


史記

世二之七

庫文閣内			
二九	二七九六	漢	
函	二四	書	
架	冊	號	類

内閣文庫	
番號	漢 11796
冊數	24 (11)
函號	279 16





史記卷之三十二

齊太公世家第二

漢書文庫

太公望呂尚者東海上人

譙周曰姓姜名牙炎帝之裔伯夷之後○索隱曰牙

是字尚其先祖嘗為四嶽佐禹平水土甚有功虞夏

是其名之際封於呂徐廣曰呂在南陽宛縣西或封於申姓姜氏索隱曰申在南

陽宛縣申伯之國也夏商之時申呂或封枝庶子孫或為庶人

尚其後苗裔也本姓姜氏從其封姓故曰呂尚呂尚

蓋嘗窮困年老矣索隱曰譙周云呂望常屠牛於朝歌賣飯於孟津以漁釣

紆周西伯正義曰紆音干呂氏春秋云太公釣于茲泉遇文王酈元云磻磻中有泉謂之茲泉

積水為陣即太公釣處今謂之凡谷東南隅有石室蓋太公所居水次盤石予處即太公垂釣之所其投

竿跪餌兩膝遺跡猶存是磻磳之稱也說苑云呂望年七十釣于渭渚三日三夜魚無食者望即忿脫其衣冠上有農人者古之異人謂望曰子姑復釣必細其綸芳其餌徐徐而投無令魚駭望如其言初下得鮒次得鯉刺魚腹得書書文曰呂望封于齊望知其異西伯將出獵卜之曰所獲非龍非黿徐廣曰黿勅知反索非虎非羆所獲霸王之輔於是周西伯獵果遇太公於渭之陽與語大

說曰自吾先君太公曰常有聖人適周周以與子真是邪吾太公望子久矣故號之曰太公望載與俱歸立為師或曰太公博聞嘗事紂紂無道去之游說諸侯無所遇而卒西歸則西伯或曰呂尚處士隱海濱周西伯拘羑里散宜生閔天素知而招呂尚呂尚亦

曰吾聞西伯賢又善養老蓋往焉三人者為西伯求

美女奇物獻之於紂以贖西伯西伯得以出反國言

呂尚所以事周雖異然要之為文武師楊慎曰繳斷傳聞異辭句

法周西伯昌之脫羑里歸與呂尚陰謀修德以傾商

政其事多兵權與奇計故後世之言兵及周之陰權

皆宗太公為本謀周西伯政平及斷虞芮之訟而詩

人稱西伯受命曰文王伐崇密須大夷大作豐邑天

下三分其二歸周者太公之謀計居多文王崩武王

即位九年欲修文王業東伐以觀諸侯集否師行師

尚父劉向別錄曰師之尚父之父之故曰師尚父左杖黃鉞右把白旄以誓

曰蒼兕蒼兕

索隱曰日本或作蒼雉按馬融曰蒼兕主舟楫官名又王充云蒼兕水獸九頭今

誓衆令急濟故言蒼兕以懼之摠爾衆庶與爾舟楫後至者斬

書秦誓無此文蓋張遂至盟津諸侯不期而會者八百諸侯諸侯皆曰紂可伐也武王曰未可還師與太

公作此太誓居二年紂殺王子比干囚箕子武王將

伐紂卜龜兆不吉風雨暴至羣公盡懼唯太公彊之

勸武王武王於是遂行十一年徐廣曰作三年正月甲子誓

於牧野伐商紂紂師敗績紂反走登鹿臺遂追斬紂

明日武王立于社羣公奉明水索隱曰周本紀七叔鄭本明水衛康

叔封布采席索隱曰周本紀衛康叔封布茲師向父牽牲史佚策祝

以告神討紂之罪散鹿臺之錢發鉅橋之粟以振貧

民封比干墓釋箕子囚遷九鼎修周政與天下更始

師尚父謀居多於是武王已平商而王天下封師尚

父於齊營丘東就國道宿行遲逆旅之人曰吾聞時

難得而易失客寢甚安殆非就國者也太公聞之夜

衣而行犁明至國萊侯來伐與之爭營丘營丘邊萊

萊人夷也會紂之亂而周初定未能集遠方是以與

太公爭國太公至國修政大○手○因其俗簡其禮通商工之

業便魚鹽之利而人民多歸齊齊爲大國及周成王

少時管蔡作亂淮夷畔周乃使召康公

服虔曰命太召公奭

源先着

通時若恐
非及所以
武亦以
不齊

公曰東至海西至河南至穆陵北至無棣索隱曰淮

陵門是楚之境無棣在遼西孤竹服虔以為太公受

封境界所至不然也蓋言其征伐所至之域○按今

濟南武定占之五侯九伯實得征之杜預曰五等諸

棣州即無棣也齊由此得征伐為大國都營丘蓋太公之卒百有餘

年禮記曰太公封於營丘比及五世皆反葬于周鄭

玄曰太公受封留為太師歿葬於周五世之後乃

葬子丁公呂伋徐廣曰一作及立丁公卒子乙公得立乙公

卒子癸公慈毋立索隱曰系本作癸公慈癸公卒子

哀公不辰立索隱曰系本作不臣宋衷曰哀公哀公

時紀侯嚳之周周烹哀公徐廣曰而立其弟靜是為

胡公胡公徙都薄姑正義曰括地志云薄姑而當周

夷王之時哀公之同母少弟山怨胡公乃與其黨率

營丘人襲攻殺胡公而自立是為獻公索隱曰宋衷

縵人將胡公於貝水殺之獻公元年盡逐胡公子因徙薄姑都治

臨淄九年獻公卒子武公壽立武公九年周厲王出

奔居彘十年王室亂大臣行政號曰共和二十四年

周宣王初立二十六年武公卒子厲公無忌立厲公

暴虐故胡公子復入齊齊人欲立之乃與攻殺厲公

胡公子亦戰歿齊人乃立厲公子赤為君是為文公

而誅殺厲公者七十人文公十二年卒子成公脫立

索隱曰系本及成公九年卒子莊公購立索隱曰購

譙周皆作說字成公九年卒子莊公購立音神欲反

史記 卷三十二 齊世家

秦繼周而起故載于列國之史以係天下存亡大關

系家及系本並作贖莊公二十四年夫戎殺幽王周東徙雒秦

始列為諸侯五十六年晉弑其君昭侯六十四年莊

公卒子釐公祿甫立釐公九年魯隱公初立十九年

魯桓公弑其兄隱公而自立為君二十五年北戎伐

齊鄭使太子忽來救齊齊欲妻之忽曰鄭小齊大非

我敵遂辭之三十二年釐公同母弟夷仲年死其子

曰公孫無知釐公愛之令其秩服奉養此太子三十

三年釐公卒太子諸兒立是為襄公襄公元年始為

太子時嘗與無知鬪及立絀無知秩服無知怨四年

魯桓公與夫人如齊齊襄公故嘗私通魯夫人魯夫

人者襄公女弟也自釐公時嫁為魯桓公婦及桓公

來而襄公復通焉魯桓公知之怒夫人夫人以告齊

襄公齊襄公與魯君飲醉之使力士彭生抱上魯君

車因拉殺魯桓公公羊傳曰擗幹而殺桓公下車則

死矣魯人以為讓而齊襄公殺彭生以謝魯八年代

紀紀遷去其邑索隱曰春秋莊四年紀侯大十二年

初襄公使連稱管至父戌葵丘索隱曰杜預云臨淄

三十五年會諸侯於葵丘杜預曰陳留外黃縣東有

葵丘蓋葵丘有兩處杜意以戌葵丘當不遠出齊境

若會諸侯又不合瓜時而住及瓜而代服虔曰瓜時

在本國所以不同瓜時而公弗為發代或為請代公

後年往戌一歲卒瓜時而公弗為發代或為請代公

及左傳

弗許。故此二人怒。因公孫無知謀作亂。連稱有從妹。在公宮。無寵。使之間襄公。王肅曰：候公之間隙。曰：事成以女為

無知夫人。冬十二月，襄公游姑棼。賈逵曰：齊地。正義音扶云反。遂

獵沛丘。杜預曰：樂安博昌縣南有地名曰丘。見龜從者曰：彭生。服虔曰：從者乃見彭生。鬼改形為豕也。公怒，射之。龜人立而啼。公懼，墜車，傷

足，失屨。反而鞭主屨者弗。正義曰：非弗反。弗，主屨者也。三百弗出

宮而無知連稱管至父等聞公傷，乃遂率其眾襲宮。

逢主屨弗，弗曰：且無人驚宮，驚宮未易入也。無知弗

信，弗示之劄，乃信之。待宮外，令弗先入，弗先入，即匿

襄公戶間。良久，無知等恐，遂入宮。弗反與宮中及公

之幸臣攻無知等，不勝，皆死。無知入宮求公，不得，或

見人足於戶間，發視，乃襄公，遂弑之。而無知自立為

齊君。桓公元年，春，齊君無知游於雍林。賈逵曰：渠丘大夫也。○索

隱曰：左傳曰：雍廩殺無知。杜預曰：雍廩，齊大夫。此云

游雍林，蓋以雍林為邑名。晉言渠丘大夫者，蓋雍林

為渠丘大夫也。雍林人嘗有怨無知，及其往游，雍林人襲殺

無知。告齊大夫曰：無知弑，襄公自立。臣謹行誅。唯大

夫復立公子之當立者，唯命是聽。初，襄公之醉殺魯

桓公，通其夫人，殺誅數不當，淫於婦人，數欺大臣，羣

第恐禍及，故次第糾奔魯。其母魯女也。管仲召忽傳

之。次第小白奔莒，鮑叔傳之。小白母衛女也。有寵於

史記 卷三十一 齊世家

釐公小白自少好善大夫高傒賈逵曰齊正卿高敬仲也及雍林

人殺無知議立君高國先陰召小白於莒魯聞無知

亦發兵送公子糾而使管仲別將兵遮莒道射中

小白帶鉤小白佯死管仲使人馳報魯魯送糾者行

益遲六日至齊則小白已入高傒立之是為桓公桓

公之中鉤佯死以誤管仲已而載溫車中馳行亦有

高國內應故得先入立發兵距魯秋與魯戰於乾時

杜預曰乾時齊地也時水在樂安界岐流旱則涸竭故曰乾時魯兵敗走齊兵掩絕

魯歸道齊遺魯書曰子糾九弟弗忍誅請魯自殺之

召忽管仲讐也請得而甘心醢之不然將圍魯魯人

患之遂殺子糾於笙瀆賈逵曰魯地句瀆也召忽自殺管仲請

囚桓公之立發兵攻魯心欲殺管仲鮑叔牙曰臣幸

得從君君竟以立君之尊臣無以增君君將治齊即

高傒與叔牙足也君且欲霸王非管夷吾不可夷吾

所居國國重不可失也於是桓公從之乃詳為召管

仲欲甘心實欲用之管仲知之故請往鮑叔牙迎受

管仲及堂阜而脫桎梏賈逵曰堂阜魯北境杜預曰堂阜齊地東莞蒙陰縣西北

有夷吾亭齋祓而見桓公桓公厚禮以為大夫任政桓公

既得管仲與鮑叔隰朋高傒修齊國政連五家之兵

國語曰管子制國五家為軌十軌為里四里為連十連為鄉以為軍令設輕重魚鹽之

其身請往善用

用其主管

仲知之故

為缺聞之

遂入秦善

其心相鞠

氣已見

仲死佯欲

利索隱曰管子有理人輕重之法七篇輕重錢也又有捕魚煮鹽法以贍貧窮祿賢

能齊人皆說二年伐滅郟徐廣曰一作譚春秋魯莊十年齊師滅譚

是也杜預曰譚國在濟南平陵縣西南然此乃東海郟縣不作譚字郟子奔莒初桓公

亡時過郟郟無禮故伐之五年伐魯魯將師敗魯莊

公請獻遂邑以平杜預曰遂在濟北地丘縣東北桓公許與魯會柯

而盟杜預曰柯今濟北東阿也魯將盟曹沫以匕首劫桓公於壇

上何休曰土基三尺階三等曰壇會必有壇者為升降揖讓稱先君以相接也曰反魯之

侵地桓公許之已而曹沫去匕首北面就臣位桓公

後悔欲無與魯地而殺曹沫管仲曰夫劫許之而倍

信殺之徐廣曰一云已許愈一小快耳而棄信於諸

天識

侯失天下之援不可於是遂與曹沫三敗所亡地於

魯諸侯聞之皆信齊而欲附焉七年諸侯會桓公於

甄杜預曰甄衛地而桓公於是始霸焉十四年陳厲公子完

號敬仲來奔齊齊桓公欲以為卿讓於是以為工正

田成子常之祖也二十三年山戎伐燕服虔曰山戎北狄蓋今鮮

也甲燕告急於齊齊桓公救燕遂伐山戎至于孤竹而

還燕莊公遂送桓公入齊境桓公曰非天子諸侯相

送不出境吾不可以無禮於燕於是分溝割燕君所

至與燕命燕君復修召公之政納貢于周如成康之

時諸侯聞之皆從齊二十七年魯潛公母曰哀姜桓

桓公之為盟主也宜哉割地與燕而殺哀姜皆三綱所由立也令燕修召公政尤大

公女弟也。哀姜淫於魯公子慶父，慶父弑濬公。哀姜欲立慶父，魯人更立釐公。徐廣曰：史記僖字皆作釐。桓公召哀姜

殺之。二十八年，衛文公有狄亂，告急於齊。齊率諸侯

城楚丘而立衛君。二十九年，桓公與夫人蔡姬戲船

中，蔡姬習水蕩公。賈逵曰：蕩，搖也。公懼，止之，不止，出船，怒歸

蔡姬，弗絕。蔡亦怒，嫁其女。桓公聞而怒，興師往伐。三

十年春，齊桓公率諸侯伐蔡。蔡潰。服虔曰：民逃。其上曰潰也。遂伐

楚楚。成王興師問曰：無故涉吾地，管仲對曰：昔召康

公命我先君太公曰：五侯九伯，若實征之，以夾輔周

室，賜我先君履。杜預曰：所踐履之界。東至海，西至河南，南至穆陵

北至無棣，楚貢包茅不入，王祭不共。賈逵曰：包茅，菁

祀供祭。是以來責。昭王南征不復，是以來問。服虔曰：周昭王南巡

時涉漢未濟，船解而溺，諱之，不以赴諸侯，不知其故，故桓公以為辭責問楚也。楚王曰：貢之

不入，有之，寡人罪也，敢不共乎？昭王之出不復，君其

問之。水濱。杜預曰：昭王時，漢非楚境，故不受罪。齊師進次于陘。杜預曰：陘，楚地。

穎川召陵縣南有陘亭，左傳曰：凡師一宿為舍，再宿為信，過信為次。夏，楚王使屈完將

兵扞齊。齊師退次召陵。桓公衿屈完以其眾。屈完曰：

君以道則可，若不則楚方城以為城。杜預曰：方城，山在南陽葉縣南。

江漢以為溝。君安能進乎？乃與屈完盟而去。過陳，陳

袁濤塗詐齊，令出東方。覺秋，齊伐陳。是歲，晉殺太子

此索然矣
勇與盡彼
一勝而智
策至城濮
威楚有完
設齊有徐

甲生以莽
被禍太史
有深憫之
意焉故特
言之

申生三十五年夏會諸侯于葵丘周襄王使宰孔賜

桓公文武胙彤弓矢大路賈逵曰大路諸侯朝服之車謂之金路命無

拜桓公欲許之管仲曰不可乃下拜受賜秋復會諸

侯於葵丘益有驕色周使宰孔會諸侯頗有叛者羊公

傳曰葵丘之會桓公震而矜之叛者九國晉侯病後遇宰孔宰孔曰齊侯

驕矣第無行從之是歲晉獻公卒里克殺奚齊卓子

秦穆公以夫人入公子夷吾為晉君桓公於是討晉

亂至高梁杜預曰在平陽縣西南使隰朋立晉君還是時周室

微唯齊楚秦晉為彊晉初與會獻公歿國內亂秦穆

公辟遠不與中國會盟楚成王初收荆蠻有之夷狄

自置唯獨齊為中國會盟而桓公能宣其德故諸侯

賓會按摠叙桓公霸業甚有力於是桓公稱曰寡人南伐至召陵

望熊山北伐山戎離枝孤竹地理志曰令支縣有孤竹城疑離枝即令支也

今離聲相近應劭曰令音鈴管子亦作離字西伐大夏涉流沙正義曰大夏并州晉

陽是也東馬懸車登太行至卑耳山而還正義曰諸侯

莫違寡人寡人兵車之會三乘車之會六九合諸侯

一匡天下管三代受命有何以異於此乎吾欲封泰

山禪梁父管仲固諫不聽乃說桓公以遠方珍物

至乃得封桓公乃止三十八年周襄王弟帶與戎翟

合謀伐周齊使管仲平戎於周周欲以上卿禮管仲

可入滑稽

管仲頓首曰臣陪臣安敢三讓乃受下卿禮以見三

十九年周襄王弟帶來奔齊齊使仲孫請王為帶謝

襄王怒弗聽四十一年秦穆公虜晉惠公復歸之是

歲管仲隰朋皆卒正義曰桓地志云管仲墓在青州臨淄縣南與桓公冢連隰朋墓在

臨淄縣北管仲病桓公問曰羣臣誰可相者管仲曰知臣

莫如君公曰易牙如何正義曰即對曰殺子以適君

非人情不可公曰開方如何正義曰管子云衛公子

而臣事對曰倍親以適君非人情難近公曰豎刁如

何對曰自宮以適君非人情難親管仲歿而桓公不

用管仲言卒近用三子三子專權正義曰管仲有病桓公問之曰將

能擇擇不

非人情不可相

何以殺寡人管仲曰願君遠易牙豎刁公曰易牙烹

其子以快寡人尚可疑耶對曰人之情非不愛其子

也其子之忍又將何愛於君公曰豎刁自宮以近寡

人猶尚疑耶對曰人之情非不愛其身也其身之忍

又將何有於君公曰諾管仲遂盡逐之而公食不

心不怡者三年公曰仲父不已過乎於是皆即召友

四十二年戎伐周周告急於齊齊令諸侯各發卒戍

周是歲晉公子重耳來桓公妻之四十三年初齊桓

公之夫人三曰王姬徐姬蔡姬皆無子索隱曰系本徐贏姓禮婦

人稱國及姓今此言徐桓公好內服虔曰內多內寵

如夫人者六人長衛姬生無詭索隱曰左少衛姬生

惠公元鄭姬生孝公昭葛贏生昭公潘密姬生懿公

商人宋華子賈逵曰宋華氏之女子姓生公子雍桓公與管仲屬

此一皆亦無可奈何

孝公於宋襄公以為太子，雍巫有寵於衛共姬。賈逵曰雍

人名巫因宦者豎刁，以厚獻於桓公，亦有寵。桓公許

之立無詭，管仲卒，五公子皆求立。冬十月乙亥，齊桓

公卒。正義曰公有病，易牙豎刁相與作亂，塞宮門，築

高牆，不通人。有一婦人踰垣入，至公所，公曰：我

欲食，婦人曰：吾無所得。又曰：我欲飲，婦人曰：吾無所

得。公曰：何故？曰：易牙豎刁相與作亂，塞宮門，築高牆，

不通人，故無所得。公慨然歎涕出，曰：嗟乎！聖人所見，

豈不遠哉！若夫者有知我將何面目見仲父乎！蒙衣

袂而死，易牙入，與豎刁因內寵殺羣吏。服虔曰：羣吏

謂曰：內寵內官，而立公子無詭為君。太子昭奔宋，桓

之有權寵者。而公子無詭為君，太子昭奔宋，桓

公病，五公子各樹黨爭立。及桓公卒，遂相攻，以故宮

中空，莫敢棺。桓公尸在牀上六十七日，尸蟲出于戶。

十二月乙亥，無詭立，乃棺。辛巳夜，斂殯。徐廣曰：斂

桓公十有餘子，要其後立者五人，無詭立。三月，無

謚。次孝公，次昭公，次懿公，次惠公。孝公元年三月，宋

襄公率諸侯兵送齊太子昭而伐齊，齊人恐，殺其君

無詭。齊人將立太子昭，四公子之徒攻太子，太子走

宋。宋遂與齊人四公子戰，五月宋敗齊四公子師，而

立太子昭。是為齊孝公。宋以桓公與管仲屬之太子

故來征之，以亂。故八月乃葬齊桓公。正義曰：括地志

云：齊桓公墓在臨淄縣南牛山上，亦名鬲足山，一名牛首，一

所二墳。晉永嘉末，人發之，初得版，次得木，銀池有氣，不得

所用之人皆非人情故也

孝公以宋襄公得立
逐伐宋過

年春齊伐宋以其不同盟于齊也。服虔曰魯僖公十年諸侯盟于齊以無忘桓公之德宋襄公欲行霸道不與盟故伐之夏宋襄公卒七年晉文公立十年孝公卒孝公弟潘因衛公子開方殺孝公子而立潘是為昭公昭公桓公子也其母曰葛嬴昭公元年晉文公敗楚於城濮而會諸侯踐土朝周天子使晉稱伯六年翟侵齊晉文公卒秦兵敗于殽十二年秦穆公卒十九年五月昭公卒子舍立為齊君舍之母無寵於昭公國人莫畏昭公之弟商人以桓公竊爭立而不得陰交賢士附愛百姓百姓說及昭公卒子舍立孤弱即與衆十月即墓上弑齊君舍而商人自立是為懿公懿公桓公子也其母曰密姬懿公四年春初懿公為公子時與丙戎之父獵爭獲不勝及即位斷丙戎父足而使丙戎僕。賈逵曰僕御也索隱曰左氏作那庸職之妻好公內之宮使庸職驂乘。索隱曰左氏作閭職此言庸職蓋謂受五月懿公游於申池。杜預曰齊南城門名申門門左右有池疑此是也左思齊都賦二人浴戲職曰斷足子戎注曰申池海濱齊藪也日奪妻者二人俱病此言乃怨謀與公游竹中二人弑懿公車上棄竹中而亡去懿公之立驕民不附齊人廢其子而迎公子元於衛立之是為惠公惠公桓公子也其母衛女曰少衛姬避齊亂故在衛惠公二

人自立是為懿公懿公桓公子也其母曰密姬懿公四年春初懿公為公子時與丙戎之父獵爭獲不勝及即位斷丙戎父足而使丙戎僕。賈逵曰僕御也索隱曰左氏作那庸職之妻好公內之宮使庸職驂乘。索隱曰左氏作閭職此言庸職蓋謂受五月懿公游於申池。杜預曰齊南城門名申門門左右有池疑此是也左思齊都賦二人浴戲職曰斷足子戎注曰申池海濱齊藪也日奪妻者二人俱病此言乃怨謀與公游竹中二人弑懿公車上棄竹中而亡去懿公之立驕民不附齊人廢其子而迎公子元於衛立之是為惠公惠公桓公子也其母衛女曰少衛姬避齊亂故在衛惠公二

年長翟來穀梁傳曰身橫九畝斷其首而載之眉見於軾王子城父攻殺之

賈逵曰王子城父齊大夫埋之於北門晉趙穿弑其君靈公十年

惠公卒子頃公無野立頃音初崔杼有寵於惠公惠

公卒高國畏其偏也逐之崔杼奔衛頃公元年楚莊

王彊伐陳二年圍鄭鄭伯降已復國鄭伯六年春晉

使卻克於齊齊使夫人帷中而觀之卻克上夫人笑

之卻克曰不是報不復涉河歸請伐齊晉侯弗許齊

使至晉卻克執齊使者四人河內殺之八年晉伐齊

齊以公子彊質晉晉兵去十年春齊伐魯衛魯衛大

夫如晉請師皆因卻克索隱曰成二年左傳魯滅宣叔衛孫栢子如晉皆上于卻

是克晉使卻克以車八百乘賈逵曰八百乘六萬人為中軍將士

變將上軍欒書將下軍以救魯衛伐齊六月壬申與

齊侯兵合靡笄下索隱曰靡笄山名在濟南與代地磨笄山不同癸酉陳于

鞞服虔曰齊地逢丑父賈逵曰齊大夫為齊頃公右頃公曰馳之

破晉軍會食射傷卻克流血至履克欲還入壁其御

曰我始入再傷不敢言疾恐懼士卒願子恐之遂復

戰戰齊急丑父恐齊侯得乃易處頃公為右車絰胡

於木而止晉小將韓厥伏齊侯車前曰寡君使臣

救魯衛戲之丑父使頃公下取飲因得亡脫去入其

軍正義曰左傳云及華泉驂絰於木而止丑父使公下如華泉取飲鄭周父御佐車充棧為右載齊侯

齊世家

以晉卻克欲殺丑父丑父曰代君死而見僂後人臣無忠其君者矣克舍之丑父遂得亡歸齊於是晉軍

追齊至馬陵徐廣曰一作歷齊侯請以寶器謝左傳曰賂以

不聽必得笑克者蕭桐叔子杜預曰桐叔蕭君之字

斥言其母故遠言之齊侯外祖父子女也難

也對曰叔子齊君母齊君母亦猶晉君母子安置之

且子以義伐而以暴為後其可乎于是乃許令反魯

衛之侵地十一年晉初置六卿賞鞏之功齊頃公朝

晉欲尊王晉景公索隱曰王劭按張衡曰禮諸侯朝

相朝則不授玉齊頃公戰敗朝晉而授玉是欲尊晉侯為王晉景公不敢受乃歸

歸而頃公弛苑囿薄賦歛振孤問疾虛積聚以救民

民亦大說厚禮諸侯竟頃公卒百姓附諸侯不犯十

七年頃公卒皇覽曰頃公冢近呂尚冢子靈公環立靈公九年晉

樂書弒其君厲公十年晉悼公伐齊齊令公子光質

晉十九年立子光為太子高厚傅之令會諸侯盟于

鍾離二十七年晉使中行獻子伐齊索隱曰荀偃祖

後改姓為中行氏獻子名偃齊師敗靈公走入臨菑晏嬰止靈公

靈公弗從曰君亦無勇矣晉兵遂圍臨菑臨菑城守

不敢出晉焚郭中而去二十八年初靈公取魯女生

子光以為太子仲姬戎姬按為太子下即著仲戎姬恐有脫字戎姬

嬖仲姬生子牙屬之戎姬戎姬請以為太子公許之
 仲姬曰不可光之立列於諸侯矣今無故廢之君必
 悔之公曰在我耳遂東太子光賈逵曰徙之東垂也使高厚傅
 牙為太子靈公疾崔杼迎故太子光而立之是為莊
 公莊公殺戎姬五月壬辰靈公卒莊公即位執太子
 牙於句瀆之丘殺之八月崔杼殺高厚晉聞齊亂伐
 齊至高唐杜預曰高唐在魏阿縣西北莊公三年晉大夫欒盈奔
 齊莊公厚客待之晏嬰用文子諫公弗聽四年齊莊
 公使欒盈聞入晉曲沃為內應以兵隨之上太行入
 孟門賈逵曰孟門太行晉晉山隘也○素隱曰孟門在河內溫縣西欒

盈敗齊兵還取朝歌賈逵曰晉邑六年初棠公妻好賈逵曰棠

公齊棠邑大夫棠公死崔杼取之莊公通之數如崔氏以崔

杼之冠賜人侍者曰不可崔杼怒因其伐晉欲與晉

合謀襲齊而不得聞莊公嘗笞宦者賈舉賈舉復侍

為崔杼間公以報怨五月莒子朝齊齊以甲戌饗之

崔杼稱病不視事乙亥公問崔杼病遂從崔杼妻崔

杼妻入室與崔杼自閉戶不出公擁柱而歌服虔曰公以為

姜氏不知已在宦者賈舉遮公從宮而入閉門崔杼

之徒持兵從中起公登臺而請解不許請盟不許請

自殺於廟不許皆曰君之臣杼疾病不能聽命近於

崔杼妻閉之而不出也叙得奇宦

是醜語痛
語亦非人
情語

崔杼舍民
望碩果不
食天不欲
食其誰食
之

要舍少
第大所

史記

公宮服虔曰崔杼之宮近陪臣爭趣索隱曰左有淫

者不知二命杜預曰言得淫人受崔公踰牆射中公

股公反墜遂弑之晏嬰立崔杼門外曰君為社稷

則死之為社稷亡則亡之若為已死已亡非其私暱

誰敢任之服虔曰言君自以已之私欲取死明開而

入枕公尸而哭三踊而出人謂崔杼必殺之崔杼曰

民之望也舍之得民丁丑崔杼立莊公異母弟杵臼

是為景公景公母魯叔孫宣伯女也景公立以崔杼

為右相慶封為左相二相恐亂起乃與國人盟曰不

與崔慶者效晏子仰天口嬰所不獲唯忠於君利社

稷者是從不肯盟慶封欲殺晏子崔杼曰忠臣也舍

之齊太史書曰崔杼弑莊公崔杼殺之其弟復書崔

杼復殺之少弟復書崔杼乃舍之景公元年初崔杼

生子成及彊其母歿取東郭女生明東郭女使其前

夫子無咎與其弟偃相崔氏成有罪正義曰左傳云

二相急治之立明為太子成請老於崔杼按上崔杼

崔杼許之二相弗聽曰崔宗邑不可杜預曰濟陽東

崔氏城也成彊怒告慶封慶封與崔杼有郤欲其敗也成

彊殺無咎偃於崔杼家家皆奔亡崔杼怒無人使一

宦者御見慶封慶封曰請為子誅之使崔杼仇盧蒲

嬖賈逵曰嬖齊大夫慶封之屬攻崔氏殺成彊盡滅崔氏崔氏婦

自殺崔杼無歸亦自殺正義曰左傳成彊告慶封曰夫子唯無咎與偃是從父兄

莫得進矣恐害夫子敢以告慶封曰苟利夫子必去之難吾助汝乃殺東郭偃棠無咎於崔氏朝也慶

封為相國專權三年十月慶封出獵初慶封已殺崔

杼益驕嗜酒好獵不聽政令慶舍用政服虔曰舍已慶封子也

有內郤田文子謂桓子曰亂將作田鮑高樂氏相與

謀慶氏慶舍發甲圍慶封宮四家徒共擊破之慶封

還不得入奔魯齊人讓魯封奔吳吳與之朱方聚其

族而居之富於在齊其秋齊人徙葬莊公僂崔杼尸

於市以說衆九年景公使晏嬰之晉與叔向私語曰

齊政卒歸田氏田氏雖無大德以公權私有德於民

民愛之十二年景公如晉見平公欲與伐燕十八年

公復如晉見昭公二十六年獵魯郊因入魯與晏嬰

俱問魯禮三十一年魯昭公辟季氏難奔齊齊欲以

千社封之賈逵曰二十五家為一社千社二萬五千家也子家止昭公昭公

乃請齊伐魯取鄆以居昭公三十二年彗星見景公

坐柏寢歎曰堂堂誰有此乎羣臣皆泣晏子笑公怒

晏子曰臣笑羣臣諛甚景公曰彗星出東北當齊分

野寡人以為憂晏子曰君高臺深池賦歛如弗得刑

罰恐弗勝弗星將出弗音佩彗星何懼乎公曰可禳否

晏子曰使神可祝而來祝章受反亦可禳而去也百姓苦

怨以萬數而君令一人禳之安能勝眾口乎是時景

公好治宮室聚狗馬奢侈厚賦重刑故晏子以此諫

之四十二年吳王闔閭伐楚入郢四十七年魯陽虎

攻其君不勝奔齊請齊伐魯鮑子諫景公乃囚陽虎

陽虎得亡奔晉四十八年與魯定公好會夾谷服虔曰東

海祝其犁鉏曰索隱曰鉏音即孔丘知禮而怯請令

萊人為樂因執魯君可得志景公害孔丘相魯懼其

霸故從犁鉏之計方會進萊樂孔子歷階上使有司

執萊人斬之以禮讓景公景公慙乃歸魯侵地以謝

而罷去是歲晏嬰卒五十五年范中行反其君於晉

晉攻之急來請粟田乞欲為亂樹黨於逆臣說景公

曰范中行數有德於齊不可不救乃使乞救而輸之

粟五十八年夏景公夫人燕姬適子歿景公寵妾芮

姬生子荼索隱曰左傳云齧姒之子荼嬖則荼母姓姒此作芮姒不同荼少其母

賤無行諸大夫恐其為嗣乃言願擇諸子長賢者為

太子景公老惡言嗣事又愛荼母欲立之憚發之口

乃謂諸大夫曰為樂耳國何患無君乎秋景公病命

國惠子高昭子杜預曰惠子國夏也昭子高張也立少子荼為太子

逐羣公子遷之萊景公卒皇覽曰景公冢與桓公同處太子荼立

是為晏孺子冬未葬而羣公子畏誅皆出亡茶諸異

母兄公子壽鉤黔奔衛徐廣曰一云壽黔奔衛公子鉏陽生奔

魯索隱曰左氏作公子鉏萊人歌之曰景公歿乎弗與埋三軍

事乎弗與謀杜預曰稱謚蓋葬後而為師乎師乎胡

黨之乎服虔曰言公子徒眾何所適也晏孺子元年春田乞偽事高

國者每朝乞驂乘言曰子得君大夫皆自危欲謀作

亂又謂諸大夫曰高昭子可畏及未發先之大夫從

之六月田乞鮑牧乃與大夫以兵入公宮攻高昭子

昭子聞之與國惠子救公公師敗田乞之徒追之國

惠子奔莒遂反殺高昭子晏圉奔魯賈逵曰國晏嬰之子八月

齊秉意茲徐廣曰左傳八月齊邴意茲奔魯田乞敗二相乃使人之

魯召公子陽生陽生至齊私匿田乞家十月戊子田

乞請諸大夫曰常之母有魚菽之祭何休曰齊俗婦人首祭事言魚

豆者示薄陋也幸來會飲會飲田乞盛陽生橐中置坐中央

發橐出陽生曰此乃齊君矣大夫皆伏謁將與大夫

盟而立之鮑牧醉乞誣大夫曰吾與鮑牧謀共立陽

生鮑牧怒曰子忘景公之命乎諸大夫相視欲悔陽

生前頓首曰可則立之否則已鮑牧恐禍起乃復曰

皆景公子也何為不可乃與盟立陽生是為悼公悼

公入宮使人遷晏孺子於駘賈逵曰齊邑殺之幕下而逐

孺子母芮子芮子故賤而孺子少故無權國人輕之

悼公元年齊伐魯取讎闡杜預曰闡在東平剛縣北

南初陽生亡在魯季康子以其妹妻之及歸即位使

迎之季姬與季魴侯通杜預曰魴侯言其情魯弗敢

與故齊伐魯竟迎季姬季姬嬖齊復歸魯侵地鮑子

與悼公有郤不善四年吳魯伐齊南方鮑子弑悼公

赴于吳吳王夫差哭於軍門外三日將從海入討齊

齊人敗之吳師乃去晉趙鞅伐齊至賴而去服虔曰

齊人共立悼公子壬是為簡公徐廣曰年表簡公四

年春初簡公與父陽生俱在魯也闞止有寵焉賈逵

止子及即位使為政田成子憚之驟顧於朝御鞅言

簡公索隱曰名為僕御官亦田氏之族按系本曰田

闞不可並也君其擇焉弗聽子我夕服虔曰田逆殺

人逢之杜預曰逆子遂捕以入田氏方睦使因病而

遺守囚者酒醉而殺守者得亡子我盟諸田於陳宗

服虔曰子我恐為陳氏所怨故初田豹欲為子我臣

與盟而請和也陳宗宗長之家使公孫言豹賈逵曰公豹有喪而止後卒

以為臣幸於子我子我謂曰吾盡逐田氏而立女可

乎對曰我遠田氏矣服虔曰言我與且其違者不過

數人何盡逐焉遂告田氏子行曰彼得君弗先必禍

子行舍於公宮。服虔曰止於公宮。夏五月壬申成

子兄弟第四乘如公。服虔曰成子兄弟八人二人共一

子乞產成子常簡子齒宣子其夷穆子安廩丘子尚

鑿茲子芒盈惠子得凡七人杜預又取昭子莊以充

八人之數按系本昭子是桓子之子成子之叔父又

不名莊彊相證會言四乘有八人耳今按田完系家

云田常兄弟四人如公宮與此事同今此唯稱四乘

不云人數知四乘謂弟兄四人乘車而入非二人共

乘也。子我在幄。杜預曰聽出迎之遂入閉門。服虔曰成

子我出遂突。宦者禦之。服虔曰闕豎子行殺宦者。服

也。成子出舍于庫。杜預曰以問公猶怒將出白何所

執戈將擊之。太史子餘。服虔曰大夫曰非不利也將除害

無君子行拔劍曰。需事之賊也。誰非田宗。所不殺子

者。有如田宗。杜預曰言子若欲出乃止子我歸徒屬

會徒衆。攻闈與大門。服虔曰宮中之門也。皆弗勝乃出

田氏追之。豐丘人執子我以告。賈逵曰豐殺之郭關

服虔曰。成子將殺大陸子方。服虔曰子方子我田逆

請而免之。以公命取車於道。出雍門。杜預曰田豹與

之車弗受。曰。逆為余請。豹與余車。余有私焉。事子我

而有私於其讐。何以見魯衛之士。服虔曰子方將庚

辰。田常執簡公于徐州。春秋作舒州。公曰余蚤從御執言

不及此。甲午。田常弑簡公于徐州。田常乃立簡公弟

齊世家

史記 卷三十二 齊世家

驚是為平公。平公即位，田常相之，專齊之政，割齊安
 平以東為田氏封邑。平公八年，越滅吳。二十五年，卒。
 子宣公積立。宣公五十一年，卒。子康公貸立。田會反。
 廩丘。索隱曰：東郡有廩丘縣。康公二年，韓魏趙始列為諸侯。十
 九年，田常曾孫田和始為諸侯，遷康公海濱。二十六
 年，康公卒，呂氏遂絕其祀。田氏卒，有齊國為齊威王
 疆于天下。

太史公曰：吾適齊，自泰山屬之琅邪，北被于海，膏壤
 二千里，其民濶達多，匿知其天性也。以太公之聖，建
 國本桓公之盛，修善政，以為諸侯會盟，稱伯不亦宜
 乎。洋洋哉，固大國之風也。

齊太公世家考

齊都臨淄在青州禹貢岱山之陰維淄之野

齊世家首序太公之封國中序桓公之伯業及五

公子之爭立末序崔氏之亂及田氏之專政委曲

周悉

攻殺胡公

篇內殺上之殺皆當作弑

王祭不共

湖本共作具誤

十九年昭公卒

已巳

齊太公世家考一

史表二十年卒

填公六年晉使郟克於齊

左傳在七年

車絰於木而止

一本車作軍誤

仲姬戎姬

仲姬戎姬不言取蒙上文也左傳姬作于宋女也

成講老於崔杼

崔邑名杼字衍左傳無杼字

崔杼無歸

湖本缺無字

公子壽駒黔

湖本黔作黔

遂反殺高昭子

六字為一句分二句讀誤

悼公元年齊伐魯

左傳在二年

史記卷之三十三

魯周公世家第三

周公旦者周武王弟也

譙周曰以太王所居周地為其采邑故謂周公○索隱曰

諡曰周文公見國語

自文王在時旦為子孝篤仁異於羣子

曰鄒誕生本孝作敬

及武王即位旦常輔翼武王用事居多武

王九年東伐至盟津周公輔行十一年伐紂至牧野

周公佐武王作牧誓破殷入商宮已殺紂周公把大

鉞召公把小鉞以夾武王釁社告紂之罪于天及殷

民釋箕子之囚封紂子武庚祿父使管叔蔡叔傅之

以續殷祀徧封功臣同姓戚者封周公旦於少昊之

此為憤三和而嘉金滕以敦臣節一篇之中三致意焉

虛淵正義曰括地志曰兗州曲阜縣外城即魯公伯禽所築也是為魯公周公

不就武留佐武王武王克殷二年天下未集武王有

疾不豫羣臣懼太公召公乃繆卜徐廣曰古書繆字多作繆周公

曰未可以戚我先王鄭玄曰二公欲就文王廟卜戚憂也未可憂怖我先王也周

公於是乃自以為質設三壇周公北面立戴璧秉圭

孔安國曰辟以禮神圭以為質告于太王王季文王史策祝孔安國曰史為

策書祝詞也鄭玄曰策周公所作謂簡書也祝者讀此簡書以告三王曰惟爾元孫王

發勤勞阻疾徐廣曰阻一作淹若爾三王是有負子之責於

天以旦代王發之身索隱曰尚書負為不令此為負者謂三王負上天之責故我當

代之旦巧能多材多藝能事鬼神乃王發不如旦多材

多藝不能事鬼神乃命于帝庭敷佑四方馬融曰武王受命下

天帝之庭布其道以佑助四方用能定汝子孫于下地四方之民罔

不敬畏孔安國曰言武王用受命帝庭之故能定先人子孫於天下四方之民無不敬畏也無

墜天之降葆命我先王亦永有所依歸孔安國曰言不故則墜天

寶命也救之則先王長有所依歸矣今我其即命於元龜孔安國曰就受三王之命

於元龜卜知吉凶者也爾之許我我其以璧與圭歸以俟爾命

孔安國曰許謂疾瘳待命當以事神也爾不許我我乃屏璧與圭孔安國曰

屏藏言不周公已令史策告太王王季文王欲代武

王發於是乃即三王而卜卜人皆曰吉發書視之信

吉孔安國曰占兆書也周公喜開籥乃見書遇吉王肅曰籥藏

占兆書也史記 卷三十三 魯世家 二

周公入賀武王曰王其無害且新受命三王維長終

是圖孔安國曰我新受三王命武王維長終是謀國之道茲道能念予一人馬融

曰一人天子也周公藏其策金滕匱中孔安國曰藏之於匱緘之以金不欲人開

也誠守者勿敢言明日武王有瘳其後武王既崩成

王少在強葆之中索隱曰強葆即襁褓古字少假借用約小兒於背而

負行葆小兒被也周公恐天下聞武王崩而辟周公

乃踐阼代成王攝行政當國管叔及其羣弟流言於

國曰周公將不利於成王孔安國曰放言於國以周誣周公以惑成王也

公乃告太公望召公奭曰我之所以弗辟辟音避而攝

行政者恐天下畔周無以告我先王太王王季文王

三王之憂勞天下久矣於今而後成武王蚤終成王

少將以成周我所以爲之若此於是宰相成王而使

其子伯禽代就封於魯周公戒伯禽曰我文王之子

武王之弟成王之叔父我於天下亦不賤矣然我一

沐三捉髮一飯三吐哺起以待士猶恐失天下之賢

人子之魯慎無以國驕人管蔡武庚等果率淮夷而

反周公乃奉成王命興師東伐作大誥遂誅管叔殺

武庚放蔡叔收殷餘民以封康叔於衛封微子於宋

以奉殷祀寧淮夷東土二年而畢定諸侯咸服宗周

天降祉福唐叔得禾異母同穎索隱曰尚書母作畝獻之成王

史記卷三十三魯世家

人子可不慎乎故管在殷王中宗嚴恭敬畏天命自
度用法也治民震懼不敢荒寧故中宗饗國七十五年

其在高宗也武丁又勞于外為與小人孔安國曰父小
乙使之父居民

間勞是稼穡與小作其即位乃有亮闇三年不言孔
安

國曰武丁即王位則小乙死乃有信嚙三年不言乃
言言孝行著也鄭玄曰楣謂之梁闇謂廬也

謹鄭玄曰言乃喜悅則臣民望其言又不敢荒寧密
靖殷國至于小大無怨故高宗饗國五十五年尚書
云五

十九其在祖甲馬融曰祖甲武
丁子帝甲也不義惟王父為小人

于外馬融曰祖甲有兄祖庚而祖甲賢武丁欲立之
惟王父為小人也武丁死知小人之依能保施小民

祖庚立祖庚歿祖甲立

不侮鰥寡孔安國曰小人之所依依仁政也
故能安順眾民不敢侮慢惇獨也故祖甲

饗國三十三年多士稱曰自湯至于帝乙無不率祀

明德帝無不配天者孔安國曰無敢失
道者故無不配天在今後嗣王

紂誕淫厥佚不顧天及民之從也徐廣曰一作敬之
也駟案馬融曰紂

大淫樂其逸無所能顧念於其民皆可誅周多士文
天施顯道於民而敬之也

王日中昃不暇食饗國五十年作此以誠成王成王

在豐天下已安周之官政未次序于是周公作周官

官別其宜作立政孔安國曰周公既致政成王恐
其怠忽故以君臣立政為戒也以

便百姓百姓說周公在豐病將沒曰必葬我成周徐
廣

曰衛世家云管叔欲襲成周然則或說尚書者不以

成周為洛陽乎諸侯年表序曰齊晉楚秦其在成周

微之以明吾不敢離成王周公既卒成王亦讓葬周

甚也正義曰括地志云周公墓在雍州咸陽北畢原上從文王以明予小

公於畢正義曰括地志云周公墓在雍州咸陽北畢原上子不敢臣周公也周公卒後秋未獲暴風雷雨禾盡

偃大木盡拔周國大恐成王與大夫朝服以開金滕

書索隱曰尚書武王崩後有此雷風之異今言周公卒後更有暴風之變始開金滕之書此不然也

王乃得周公所自以為功代武王之說徐廣曰二公一作簡

及王乃問史百執事史百執事皆從周公請命者鄭玄曰問者問審然否也史

百執事曰信有管周公命我勿敢言成王執書以泣

曰自今後其無繆卜乎孔安國曰本欲敬卜吉內今天意可知故止昔周

公勤勞王家惟予幼人弗及知今天動威以彰周公

之德維朕小子其迎我國家禮亦宜之王出郊天乃

雨反風禾盡起孔安國曰郊以玉帛謝天也二公命國人凡大木

所偃盡起而築之徐廣曰築拾也刪案馬融曰禾為木所偃者起其木拾其下禾乃無

所失也禮記曰魯君祀帝于郊配歲則大熟於是成王乃命魯得郊

禮記曰諸侯不得祀天子鄭玄曰以後稷天祭文王禮記曰諸侯不得祀天子鄭玄曰

魯有天子禮樂者以褒周公之德也周公卒子伯禽

固已前受卦是為魯公索隱曰周公元子就封於魯次子留相王室代為周公其

餘食小國者六人樊蔣邢茅胙祭也魯公伯禽之初受封之魯三年而

後報政周公周公曰何遲也伯禽曰變其俗革其禮

喪三年然後除之故遲太公亦封於齊五月而報政

周公周公曰何疾也曰吾簡其君臣禮從其俗為也及後聞伯禽報政遲乃歎曰嗚呼魯後世其北面事齊矣夫政不簡不易民不有近平易近民民必歸之徐廣曰一本云政不簡不行不行不樂伯禽即位之不樂則不平易平易近民民必歸之

後有管蔡等反也淮夷徐戎亦並與反於是伯禽率

師伐之於勝作勝誓徐廣曰一作鮮一作彌駟案尚書作費孔安國曰魯東郊之地

名曰陳爾甲冑無敢不善無敢傷牯正義曰牯牛馬也

其年恐馬牛其風臣妾逋逃勿敢越逐敬復之孔安國曰

勿敢奔越壘伍而求逐也衆人無敢寇攘踰墻垣鄭

有得佚馬牛逃臣妾皆敬還王肅曰邑外曰郊郊曰

曰寇劫取也因魯人三郊三隧外曰隧不言四者東

郊留守故峙爾芻茭糗糧楨榦孔安國曰皆當儲峙

言三也皆築具楨在前榦在兩傍無敢不逮我甲戌築而征

徐戎孔安國曰甲戌日當無敢不及有大刑馬融曰

刑作此勝誓遂平徐戎定魯魯公伯禽卒徐廣曰皇

禽以成王元年封四十六年康王十六年卒子考公酋立索隱曰系本作

考公四年卒立第熙是為煬公索隱曰熙煬公築茅

徐廣曰一作關門世本日煬公徙魯六年卒子幽公

宰立索隱曰世幽公十四年幽公弟濇殺幽公而自

立是為魏公徐廣曰世魏公五十年卒子厲公擢立

索隱曰系厲公三十七年卒魯人立其弟具是為獻

公獻公三十二年卒子真公濞立

索隱曰真音慎本亦作慎公按衛亦

有真侯可通也濞系本作摯或作暉鄒誕本作慎公暉也

真公十四年周厲王無

道出奔彘共和行政二十九年周宣王即位三十年

真公卒弟放立是為武公武公九年春武公與長子

括少子戲西朝周宣王宣王愛戲欲立戲為魯太子

周之樊仲山父諫宣王曰廢長立少不順不順必犯

王命犯王命必誅之故出令不可不順也令之不行

政之不立行而不順民將棄上夫下事上少事長所

以為順今天子建諸侯立其少是教民逆也若魯從

之諸侯效之王命將有所壅

韋昭曰言先王立長之命將壅塞不行也若

弗從而誅之是自誅王命也

韋昭曰先王之命立長今魯亦立長若誅之是

自誅王命誅之亦失不誅亦失

韋昭曰誅之誅王命不誅則王命廢

王其圖

之宜王弗聽卒立戲為魯太子夏武公歸而卒戲立

是為懿公懿公九年懿公兄括之子伯御與魯人攻

弑懿公而立伯御為君伯御即位十一年周宣王伐

魯殺其君伯御而問魯公子能道順

徐廣曰諸侯者一作訓

以為魯後樊穆仲曰

韋昭曰穆仲仲山父之謚也

魯懿公弟稱肅

恭明神敬事耆老賦事行刑必問於遺訓而咨於固

實

徐廣曰固一作故韋昭曰故實故事之是者

不于所問不犯所知宣王

曰然能訓治其民矣乃立稱於夷宮

韋昭曰夷宮者宣王祖父夷王

之廟古者爵命必於祖廟是為孝公自是後諸侯多畔王命孝公

二十五年諸侯畔周犬戎殺幽王秦始列為諸侯二

十七年孝公卒子弗湏立索隱曰系本作弗皇年表作弗生是為惠

公惠公三十年晉人弑其君昭侯四十五年晉人又

弑其君孝侯四十六年惠公卒長庶子息攝當國行

君事是為隱公索隱曰隱公名息系本作息姑初惠公適夫人無子

公賤妾聲子生子息長為娶於宋宋女至而好惠

公奪而自妻之索隱曰左傳宋武公生仲子手中有魯夫人文故歸魯生桓公今此云惠

氏文亦分明不知太史公何據而為此說徐廣曰登宋女為夫人以允為太子及惠公卒為允

少故魯人共令息攝政不言即位隱公五年觀漁於

棠賈逵曰棠魯地杜預曰高平方輿縣北有武棠亭魯侯觀漁臺也八年與鄭易天

子之泰山之邑祊及許田君子譏之穀梁傳曰祊考鄭伯之所受命

於天子而祭泰山之邑也許田乃魯之朝宿之邑天子在上諸侯不得以地相與十一年冬

公子揮按左傳作翬字羽父諂謂隱公曰百姓便君君其遂立

吾請為君殺子允君以我為相左傳曰羽父請殺桓公將以求太宰也

隱公曰有先君命吾為允少故攝代今允長矣吾方

營菟裘之地而老焉服虔曰菟裘魯邑也杜預曰在泰山梁父縣南以授子

允政揮懼子允聞而反誅之乃反譖隱公於子允曰

隱公欲遂立去子子其圖之請為子殺隱公子允許

史記卷三十三魯世家

諾十一月。隱公祭鍾巫。賈逵曰鍾巫祭名也。齊于社圃。館于蔦

氏。服虔曰館舍也。蔦氏魯大夫。揮使人弑隱公于蔦氏。而立子允

為君。是為桓公。桓公元年。鄭以璧易天子之許田。信

曰鄭以初不足當許田故復加璧。二年。以宋之賂鼎入於太廟。君子

譏之。穀梁傳曰桓公內殺其君外成人之亂受賂而退以事其祖非禮也。公羊傳曰周公廟曰太廟。

三年。使揮迎婦于齊為夫人。六年。夫人生子與桓公

同日。故名曰同。同長為太子。十六年。會于曹。伐鄭。入

厲。公十八年。春。公將有行。遂與夫人如齊。申繻諫止

公。賈逵曰申繻魯大夫。公不聽。遂如齊。齊襄公通桓公夫人。公

怒。夫人夫人以告齊侯。夏四月丙子。齊襄公饗公公

醉。使公子彭生抱魯桓公。因命彭生搯其脅。公死于

車。魯人告于齊曰。寡君畏君之威。不敢寧居。來修好

禮。禮成而不反。無所歸咎。請得彭生以除醜於諸侯。

齊人殺彭生以說魯。立太子同。是為莊公。莊公母夫

人因留齊。不敢歸魯。莊公五年冬。伐衛。內衛惠公。八

年。齊公子糾來奔。九年。魯欲內子糾於齊。後桓公。桓

公發兵擊魯。魯急殺子糾。召忽死。齊告魯。生致管仲。

魯人施伯曰。正義曰世本云施伯魯惠公孫。齊欲得管仲。非殺之也。

將用之。用之則為魯患。不如殺。以其屍與之。莊公不

聽。遂囚管仲與齊。齊人相管仲。十三年。魯莊公與曹

之而
以之
以之
行如
此

洙會齊桓公於柯。曹沫劫齊桓公，求魯侵地。已盟而

釋桓公。桓公欲背約，管仲諫，卒歸魯侵地。十五年，齊

桓公始霸。二十三年，莊公如齊觀社。韋昭曰：齊因祀社，蒐軍實以示

軍容公往觀之。三十二年，初，莊公築臺臨黨氏。賈逵曰：黨氏，魯大夫任姓

見孟女。黨氏女。○杜預曰：孟長任字也。說而愛之，許立為夫人。割臂

以盟。孟女生子斑。按左氏斑長，說梁氏女。杜預曰：梁氏，魯大夫

也往觀，園人犂自墻外與梁氏女戲。服虔曰：園人掌養馬者，犂其名

也斑怒，鞭犂。莊公聞之，曰：犂有力焉，遂殺之。是未可

鞭而置也。斑未得殺，會莊公有疾，莊公有三弟，長曰

慶父，次曰叔牙，次曰季友。莊公取齊女為夫人，曰哀

姜。哀姜無子，哀姜娣曰叔姜生子開。莊公無適嗣，愛

孟女，欲立其子斑。莊公病而問嗣於弟叔牙，叔牙曰：

「一繼一及，魯之常也。」何休曰：父死，子繼，兄死，弟及。慶父在，可為嗣。

君何憂？莊公患叔牙欲立慶父，退而問季友。季友曰：

「請以死立斑也。」莊公曰：「曩者，叔牙欲立慶父，柰何？季

友以莊公命，命牙待於鍼巫氏。」杜預曰：鍼巫氏，魯之大夫也。使鍼

季劫飲叔牙以鴆。服虔曰：鴆，鳥。一曰：運日鳥。曰：「飲此，則有後奉祀，

不然，死且無後。」牙遂飲鴆而死。魯立其子為叔孫氏。

杜預曰：不以罪誅，故得立後世繼其祿也。八月癸亥，莊公卒。季友竟立子

斑為君。如莊公命，侍喪舍于黨氏。正義曰：未至，公宮止于舅氏。先

時慶父與哀姜私通欲立哀姜姊子開及莊公卒而

季友立斑十月巳未慶父使圉人犇殺魯公子斑於

黨氏季友犇陳服虔曰季友內知慶父之情力不能誅故避其難出奔慶父竟

立莊公子開是為濬公索隱曰系本名曰啓今此作開避漢景帝諱耳春秋作閔

也濬公二年慶父與哀姜通益甚哀姜與慶父謀殺

濬公而立慶父慶父使卜齋襲殺濬公於武闈賈逵曰卜

齋魯大夫也宮中之門謂之闈季友聞之自陳與濬公弟申如邾請

魯求內之魯人欲誅慶父慶父恐奔莒於是季友奉

子申入立之是為釐公索隱曰濬公之弟名曰申成季相之魯國以理釐公

亦莊公少子哀姜恐奔邾季友以賂如莒求慶父慶

父歸使人殺慶父慶父請奔弗聽乃使大夫奚斯行

哭而往慶父聞奚斯音乃自殺齊桓公聞哀姜與慶

父亂以危魯乃召之邾而殺之以其屍歸戮之魯魯

釐公請而葬之季友母陳女故亡在陳陳故佐送季

友及子申季友之將生也父魯桓公使人卜之曰男

也其名曰友聞于兩社為公室輔賈逵曰兩社周社亳社也兩社之間

朝廷執政之臣所在季友亡則魯不昌及生有文在掌曰友遂

以名之號為成季其後為季氏慶父後為孟氏也釐

公元年以汶陽鄆封季友索隱曰鄆今作費音同季

友為相九年晉里克殺其君奚齊卓子齊桓公率釐

如公刑

公討晉亂至高梁而還索隱曰晉地在平陽縣立晉惠公十七

年齊桓公卒二十四年晉文公即位三十三年釐公

卒子興立是為文公文公元年楚太子商臣弑其父

成王代立三年文公朝晉襄公十一年十月甲午魯

敗翟于鹹服虔曰魯地也獲長翟喬如富父終甥春其喉以

戈殺之服虔曰富父終甥魯大夫也春猶衝埋其首於子駒之門賈逵曰子駒魯郭

以命宣伯服虔曰宣伯叔孫得臣子喬如也

初宋武公之世鄭瞞伐宋服虔曰武公周平王時在春秋前二十五

年鄭瞞長翟國名正義曰司徒皇父帥師禦之以

敗翟于長丘獲長翟緣斯賈逵曰喬如之祖晉之滅路在晉宣公

十五年獲喬如弟焚如齊惠公二年鄭瞞伐齊齊王子

城父獲其弟榮如埋其首於北門衛人獲其季弟簡

如鄭瞞由是遂亡杜預曰長翟之種絕十五年季文子使於晉

十八年二月文公卒文公有二妃長妃齊女哀姜生

子惡及視次妃敬嬴嬖愛生子倭徐廣曰倭一作倭倭私事襄

仲服虔曰襄仲公子遂襄仲欲立之叔仲曰不可服虔曰叔襄仲

仲請齊惠公惠公新立欲親魯許之冬十月襄仲殺

子惡及視而立倭是為宣公哀姜歸齊哭而過市曰

天乎襄仲為不道殺適立庶市人皆哭魯人謂之哀

姜魯由此公室卑三桓彊服虔曰三桓魯桓公之族仲孫叔孫季孫宣公

史記卷三十三魯世家

後十二年楚莊王彊圍鄭鄭伯降復國之十八年宣

公卒子成公黑肱立是為成公季文子曰使我殺適

立庶失大援者襄仲杜預曰襄仲立宣公南通於楚

既不固又不能堅事齊晉故云失大援襄仲立宣公公孫歸父有寵服虔曰歸父宣公

欲去三桓與晉謀伐三桓會宣公卒季文子怨之歸

父奔齊成公二年春齊伐取我隆左傳作龍杜預曰魯邑在泰山博縣

南夏公與晉郤克敗齊頃公於鞍齊復歸我侵地四

年成公如晉晉景公不敬魯魯欲背晉合於楚或諫

乃不十年成公如晉晉景公卒因問成公送葬魯諱

之索隱曰經不書其葬唯言公如晉是諱之十五年始與吳王壽夢會鍾

離十六年宣伯告晉欲誅季文子服虔曰宣伯叔孫喬如也文子

有義晉人弗許十八年成公卒子午立是為襄公是

時襄公三歲也襄公元年晉立悼公往年冬晉樂書

弒其君厲公四年襄公朝晉五年季文子卒家無衣

帛之妾廢無食粟之馬府無金玉以相三君索隱曰宣成襄

也君子曰季文子廉忠矣九年與晉伐鄭晉悼公冠

襄公於衛左傳曰冠于成公之廟假鐘磬焉禮也季武子從相行禮十

一年三桓氏分為三軍韋昭曰周禮天子六軍諸侯

三軍其後削弱二軍而巳季武子欲專公十二年朝

晉十六年晉平公即位二十一年朝晉平公二十二

年孔丘生

正義曰生在周靈王二十一年魯襄二十二年

二十五年齊崔杼

弑其君莊公立其弟景公二十九年吳延陵季子使

魯問周樂盡知其意魯人敬焉三十一年六月襄公

卒其九月太子卒左傳曰毀也○索隱曰左傳云胡女敬歸之子子野立三月卒魯

人立齊歸之子禚為君徐廣曰禚一作昭服虔曰胡歸姓之國也齊謚也索隱曰

系本是為昭公昭公季十九猶有童心服虔曰言無成人之志也

穆叔不欲立索隱曰魯大夫叔孫曰太子歿有母弟

可立不即立長服虔曰無母弟年鈞擇賢義鈞則卜

之杜預曰義均謂賢等今禚非適嗣且又居喪意不在戚而有

喜色若果立必為季氏憂季武子弗聽卒立之比及

葬三易衰君子曰是不終也昭公三年朝晉至河晉

平公謝還之魯耻焉四年楚靈王會諸侯於申昭公

稱病不往七年季武子卒八年楚靈王就章華臺召

昭公昭公往賀賜昭公寶器已而悔復詐取之左傳曰好

以大屈服虔曰大屈寶金可以為劍一曰大屈弓十名魯連書曰楚子享魯侯于章華與之大曲之弓

二年朝晉至河晉平公謝還之十三年楚公子棄疾

弑其君靈王代立十五年朝晉晉留之葬晉昭公魯

耻之二十年齊景公與晏子狩竟因入魯問禮二十

一年朝晉至河晉謝還之二十五年春鸛鶴來巢周禮

曰鸛鶴不踰濟公羊傳曰師已賈逵曰師已曰文成非中國之禽也宜穴而巢

之世童謠曰鸚鵡來巢公在乾侯鸚鵡入處公在外

野季氏與郈氏鬪杜預曰季平子郈昭伯二家相近故鬪季氏芥鷄

孫服虔曰擣芥子播其鷄羽可以全郈氏郈氏金距

服虔曰以季平子怒而侵郈氏服虔曰侵郈氏之宮地以自益郈昭

伯亦怒平子索隱曰系本昭伯名惡臧昭伯之弟會

偽讒臧氏匿季氏賈逵曰昭伯臧孫賜也○索隱曰

與昭伯賜為臧昭伯囚季氏人季平子怒囚臧氏老

服虔曰老臧氏之大臣臧郈氏以難告昭公昭公九月戊戌伐

季氏遂入平子登臺請曰君以讒不察臣罪誅之請

遷沂上弗許杜預曰魯城南自有所請囚於鄆弗許

服虔曰費請以五乘亡弗許服虔曰言五乘子家駒

曰索隱曰魯大夫仲孫君其許之政自季氏久矣為

徒者衆衆將合謀弗聽郈氏曰必殺之叔孫氏之臣

戾左傳曰謂其衆曰無季氏與有孰利皆曰無季氏

是無叔孫氏戾曰然救季氏遂敗公師孟懿子賈逵

子仲孫何忌聞叔孫氏勝亦殺郈昭伯郈昭伯為公使故

孟氏得之三家共伐公公遂奔己亥公至于齊齊景

公曰請致千社待君子家曰棄周公之業而臣於齊

可乎乃止子家曰齊景公無信不如早之晉弗從叔

孫見公還見平子平子頓首初欲迎昭公孟孫季孫

史記 卷三十三 魯世家 共

後悔乃止二十六年春齊伐魯取鄆賈逵曰魯邑而居昭

公焉夏齊景公將內公令無受魯賂申豐汝賈賈逵曰申

豐汝賈魯大夫許齊臣高齧子將粟五千庾賈逵曰十六斗為庾五千庾八

萬斗○索隱曰一本子將上有貨字子將言於齊侯

曰羣臣不能事魯君有異焉服虔曰異猶怪也宋元公為魯

如晉求內之道卒春秋曰宋公叔孫昭子求內其君

無病而歿索隱曰昭子名姝即穆叔子不知天弃魯乎抑魯君有

罪于鬼神也願君且待齊景公從之二十八年昭公

如晉求入季平子私於晉六卿六卿受季氏賂諫晉

君晉君乃止居昭公乾侯杜預曰乾侯在魏郡斥丘縣晉境內邑二十

九年昭公如鄆齊景公使人賜昭公書曰謂主君服虔曰

曰大夫稱主比公昭公耻之怒而去乾侯三十一年

於大夫故稱主君昭公耻之怒而去乾侯三十一

晉欲內昭公召季平子平子布衣跣行王肅曰因六

卿謝罪六卿為言曰晉欲內昭公衆不從晉人止三

十二年昭公卒于乾侯魯人共立昭公弟宋為君是

為定公立趙簡子問史墨服虔曰史墨曰季氏

亡乎史墨對曰不亡季友有大功於魯受鄆為上卿

至于文子武子世增其業魯文公卒東門遂服虔曰

襄仲也居東門殺適立庶魯君於是失國政政在季

氏於今四君矣民不知君何以得國是以為君慎器

史記卷三十三魯世家

史記卷三十三魯世家

史記卷三十三魯世家

史記之言不可訓

與名不可以假人。杜預曰器車服名爵號定公五年季平子卒

陽虎私怒囚季桓子與盟乃捨之。七年齊伐我取鄆

以為魯陽虎邑以從政。八年陽虎欲盡殺三桓適而

更立其所善庶子以代之。載季桓子將殺之。桓子詐

而得脫。三桓共攻陽虎陽虎居陽關。服虔曰魯邑九年魯

伐陽虎陽虎奔齊已而奔晉趙氏。正義曰左傳云仲尼曰趙氏其世有

亂十年定公與齊景公會于夾谷。孔子行相事。齊欲

襲魯君。孔子以禮歷階誅齊淫樂。齊侯懼乃止歸魯

侵地而謝過。十二年使仲由毀三桓城。收其甲兵。孟

氏不肯墮城。杜預曰墮毀也。按城傳作成伐之不克而止。季桓子

子受齊女樂。孔子去。十五年定公卒。子將立。是為哀

公。索隱曰系本將亦作蔣哀公五年齊景公卒。六年齊田乞弒

其君孺子。七年吳王夫差彊伐齊至繒。徵百牢於魯。

季康子使子貢說吳王及太宰嚭以禮誑之。吳王曰

我文身不足責禮。乃止。八年吳為鄒伐魯。至城下盟

而去。齊伐我。取三邑。十年伐齊南邊。十二年齊伐魯。

季氏用冉有有功。思孔子。孔子自衛歸魯。十四年齊

田常弒其君簡公於徐州。孔子請伐之。哀公不聽。十

五年使子服景伯子貢為介適齊。齊歸我侵地。田常

初相。欲親諸侯。十六年孔子卒。二十二年越王勾踐

滅吳王夫差二十七年春季康子卒夏哀公患三桓

將欲因諸侯以劫之三桓亦患公作難故君臣多間

間隙也公游于陵阪服虔曰陵阪地名遇孟武伯於衢曰請問

余及死乎杜預曰問已可得對曰不知也公欲以越伐

三桓八月哀公如陞氏杜預曰陞氏即有山氏三桓攻公公奔

于衛去如鄒遂如越國人迎哀公復歸卒于有山氏

徐廣曰皇甫謐云哀公元甲辰終庚午子寧立是為悼公悼公之時三

桓勝魯如小侯卑於三桓之家十三年三晉滅智伯

分其地有之三十七年悼公卒徐廣曰一本云悼公即位三十年乃于秦

惠上卒楚懷王成年合又自悼公以下盡與劉歆歷譜合而及違年表未詳何故皇甫謐云悼公四十年

元辛未終庚戌子嘉立是為元公元公二十一年卒徐廣曰皇甫謐

云元辛亥子顯立是為穆公索隱曰系本顯作不衍穆公三十

三年卒徐廣曰皇甫謐云元壬申終甲辰子奮立是為共公共公二

十二年卒徐廣曰皇甫謐云元乙巳終丙寅子屯立是為康公康公

九年卒徐廣曰皇甫謐云元丁卯終乙亥子匡立是為景公索隱曰景

公二十九年卒徐廣曰皇甫謐云元丙子終甲辰子叔立是為平公

索隱曰按系本叔作旅是時六國皆稱王平公十二年秦惠王

卒三十二年平公卒徐廣曰皇甫謐云元乙巳終甲子子賈立是為

文公索隱曰系本作潛公鄒文公七年楚懷王死于

秦二十三年文公卒徐廣曰皇甫謐云元乙丑終丁亥子聃立是為

傾公、傾公二年、秦拔楚之郢。徐廣曰年表云文公十八年秦拔郢楚走陳

楚傾王東徙于陳、十九年楚伐我、取徐州。徐廣曰徐州在魯東

今薛縣○索隱曰說文邾邾之下邑在魯東又郡二

十四年楚考烈王伐滅魯、傾公亡、遷於卞邑。徐廣曰卞一作

下為家人、魯絕祀、傾公卒于柯。徐廣曰皇甫謐云元

曰春秋齊及魯盟于柯杜預云柯齊邑今濟北東阿魯起周公至傾公凡三十

四世。

太史公曰余聞孔子稱曰甚矣魯道之衰也、洙泗之

間斷斷如也。徐廣曰漢書地理志云魯濱洙泗之間其民涉渡幼者扶老者而代其任俗既

薄長老不自安與幼者相讓故曰斷斷如也斷魚斤反東州語也蓋幼者愚若長者長者忿愧自守故斷

斷爭辭所以為道衰也觀慶父及叔牙、閔公之際、何其亂也、隱

桓之事、襄仲殺適立庶、三家北面為臣、親攻昭公、昭

公以奔、至其揖讓之禮則從矣、而行事何其戾也。

知小侯為家人勃之猶至此

魯周公世家考

魯在禹貢徐州岱山之陽蒙羽大野之野

周公將不利於成王○成王少○成王之叔父以明
吾不敢離成王

成王未崩而以謚稱史文誤也當改作今王
於是成王乃命魯得郊

竹書紀年魯惠公使宰讓請郊廟之禮平王使史
角如魯止公魯之用郊蓋由惠公請之也至僖公
作頌始以郊祭為誇焉

魯公伯禽卒

自成王元年至康王十六年凡五十三年而卒
煬公六年卒

漢志劉歆曆煬公六十年脫十字
獻公三十二年

漢志劉歆曆獻公五十年皆誤也以真公元年推
而上之獻公在位實四十二年

武公九年卒

漢志劉歆曆武公二年史表是也漢志武公少八
年若以獻公多八年補之其年數適相當耳

隱公欲遂立○請為子殺隱公

隱公當作今君

獲長翟喬如

湖本橋作橋誤

齊景公無信

齊景當作齊君

六卿為言曰晉欲內昭公

昭當作魯

至於文子武子

湖本武子在文子上誤

悼公十三年三晉滅智伯

自莊公以下智伯之滅秦惠懷之卒秦拔郢楚徒
陳皆與年表不合蓋世家錯誤
是為文公

漢志作緡公世本同魯春秋時有文公當從漢志
為是緡與文音近而訛也

取徐州

徐字本作徐音舒

史記卷之三十四

燕召公世家第四

召公奭與周同姓姓姬氏

索隱曰召者畿內采地奭始食於召故曰召公後武

王封之北燕亦以元子就封而次子留周室代為召公至宣王時召康公虎其後也周武王之

滅紂封召公於北燕宋忠曰有南燕故曰北燕其在成王時召公

為三公自陝以西召公主之自陝以東周公主之何休

曰陝者今弘農陝縣成王既幼周公攝政當國踐阼召公疑之

作若奭君奭不說周公馬融曰召公以周公既攝政致太平功配文武不宜復列

在臣位故不說以周公乃稱湯時有伊尹假于皇天

為周公苟貪寵也孔安國曰伊摯佐湯功大至天謂致太平在太戊時則有若伊陟臣扈假

管蔡疑淮
夷畔於時
女隼王室
以寧東土
召公功也

于上帝巫咸治王家

孔安國曰伊陟臣扈率伊尹之職使其君不墮祖業故至天之

功不墮巫咸治王家言其不及二臣

在祖乙時則有若巫賢

孔安國曰時賢臣有

如此巫賢也賢咸子

在武丁時則有若甘般

孔安國曰高宗即位甘般佐之後有

傳說率維茲有陳保又有殷

徐廣曰一無此九字王肅曰循此賢臣有陳列之功

安治有殷也

於是召公乃說召公之治西方甚得兆民和

召公巡行鄉邑有棠樹決獄政事其下自侯伯至庶

人各得其所無失職者召公卒而民人思召公之政

懷棠樹不敢伐歌詠之作甘棠之詩

正義曰召公聽訟甘棠之下後

人懷其德因立廟有棠在九曲城東阜上

自召公已下九世至惠侯

索隱曰並

國史先失也又自惠侯已下皆無名亦不言屬惟昭王父子有名蓋在戰國時旁見他說

月燕四十二代

有二惠侯二釐侯二宣侯三桓侯二文侯蓋國史微失本謚故重耳

燕惠侯當周厲王

奔彘共和之時惠侯卒子釐侯立是歲周宣王初即位

釐侯二十一年鄭桓公初封於鄭三十六年釐侯

卒子頃侯立頃侯二十年周幽王淫亂為犬戎所弑

秦始列為諸侯二十四年頃侯卒子哀侯立哀侯二

年卒子鄭侯立

索隱曰謚法無鄭鄭或是名

鄭侯三十六年卒子

繆侯立繆侯七年而魯隱公元年也十八年卒子宣

侯立宣侯十三年卒子桓侯立桓侯七年卒

臨易宋忠曰今河間易縣是也

子莊公立莊公十二年齊桓公始霸

十六年與宋衛共伐周惠王惠王出奔温立惠王弟

顏為周王

譙周曰按春秋傳燕與子顏逐周惠王者乃南燕姑姓也

十七年鄭執

燕仲父而內惠王于周二十七年山戎來侵我齊桓

公救燕遂北伐山戎而還燕君送齊桓公出境桓公

因割燕所至地予燕

正義曰括地志云燕留故城在滄州長蘆縣東北即齊桓公分

濟割燕君所至地與燕因築此地

使燕共貢天子如成周時職使燕

復修召公之法三十三年卒子襄公立襄公二十六

年晉文公為踐土之會稱伯三十一年秦師敗于殽

三十七年秦穆公卒四十年襄公卒桓公立桓公十

六年卒

徐廣曰古史考曰世家自桓公以下不說其屬以其難明故也○索隱曰譙周云系家襄

伯生言伯無桓公檢史記並有桓公立十六年又宋忠據此史補系家亦有桓公則是譙有三桓公也

宣公立宣公十五年卒昭公立昭公十三年卒武公

立是歲晉滅三郤大夫武公十九年卒文公立文公

六年卒懿公立懿公元年齊崔杼弑其君莊公四年

卒子惠公立惠公元年齊高止來奔六年惠公多寵

姬公欲去諸大夫而立寵姬宋大夫共誅姬宋

索隱曰宋

其名也或作宗劉氏云其父兄為執政故諸大夫共滅之

惠公懼奔齊四年齊高

偃如晉請共伐燕入其君晉平公許與齊伐燕入惠

公惠公至燕而歿

索隱曰春秋昭三年北燕伯款奔齊至六年又云齊伐北燕與此文

合左傳無納款之文而云將納簡公晏子曰燕君不入矣齊遂受賂而還事與此乖而又以款為簡公簡

公後惠公四代則與春秋經傳不相協

燕立悼公悼公七年卒共公立

共公五年卒平公立晉公室卑六卿始彊大平公十

八年吳王闔閭破楚入郢十九年卒簡公立簡公十

二年卒獻公立索隱曰王邵按紀年簡公後次孝公無獻公然紀年之書多是僞謬晉

趙鞅圍范中行於朝歌獻公十二年齊田常弒其君

簡公十四年孔子卒二十八年獻公卒孝公立孝公

十二年韓魏趙滅智伯分其地索隱曰按紀年智伯滅在成公二年三

晉彊十五年孝公卒成公立成公十六年卒索隱曰按紀年

成侯潛公立潛公三十一年卒釐公立索隱曰年表作釐侯莊徐

廣一是歲三晉列為諸侯釐公三十年代齊敗于

林營索隱曰林營地名云林地釐公卒索隱曰紀年作簡公

四十五年桓公立桓公十一年卒文公立索隱曰系本以上文

卒妄也公為閔公則潛與閔同而是歲秦獻公卒秦益彊文

公十九年齊威王卒二十八年蘇秦始來見說文公

文公予車馬金帛以至趙趙肅侯用之因約六國為

從長秦惠王以其女為燕太子婦二十九年文公卒

太子立是為易王易王初立齊宣王因燕喪伐我取

十城蘇秦說齊使復歸燕十城十年燕君為王索隱曰言

君初以十年稱王也上言易王者後追書謚也蘇秦與燕文公夫人私通懼

誅乃說王使齊為反間欲以亂齊孫子兵法曰反間者因敵間而用之

者也凡軍之所欲擊城之所欲攻人之所欲殺必先知其守將左右謁者門者舍人之姓名令吾之間必

索敵間之來間我者因而利易王立十二年卒子燕

導舍之故反間可得用也

噲立燕噲既立齊人殺蘇秦蘇秦之在燕與其相子

之為婚而蘇代與子之交及蘇秦死而齊宣王復用

蘇代燕噲三年與楚三晉攻秦不勝而還子之相燕

貴重主斷蘇代為齊使於燕索隱曰按戰國策曰子

齊使代報燕是也燕王問曰齊王奚如對曰必不霸燕王曰

何也對曰不信其臣蘇代欲以激燕王以尊子之也

於是燕王大信子之子之因遺蘇代百金而聽其所

使鹿毛壽徐廣曰一作厠毛○索隱曰春秋謂燕王

不如以國讓相子之人之謂堯賢者以其讓天下於

許由許由不受有讓天下之名而實不失天下今王

以國讓於子之子之必不敢受是王與堯同行也燕

王因屬國於子之子之大重或曰禹薦益已而以啓

人為吏索隱曰謂以啓臣為益吏及老而以啓為不足任乎天下

傳之於益已而啓與交黨攻益奪之天下謂禹名傳

天下於益已而實令啓自取之今王言屬國於子之

而吏無非太子人者是名屬子之而實太子用事也

王因收印自三百石吏已上而效之子之索隱曰鄭

也子之南面行王事而噲老不聽政顧為臣索隱曰

也國事皆決於子之三年國大亂百姓恫恐索隱曰

也將軍市被與太子平謀將攻子之諸將謂齊潛王曰因而赴之破燕必矣齊王因令人謂燕太子平曰寡人聞太子之義將廢私而立公飭君臣之義明父子之位寡人之國小不足以爲先後雖然則唯太子所以令之太子因要黨聚衆將軍市被圍公宮攻子之不克將軍市被及百姓反攻太子平將軍市被歿以猶因構難數月歿者數萬衆人恫恐百姓離志孟軻謂齊王曰今伐燕此文武之時不可失也索隱曰此語與孟子不同王因令章子將五都之兵章子齊人見孟子○按臨淄是五都之一以因北地之衆以伐燕齊之北邊也士卒

不戰城門不閉燕君噲死齊大勝燕子之亡駢案汲冢紀年

曰齊人禽子之而醢其身也二年而燕人共立太子平是爲燕昭王徐廣曰噲立七年而死其九年燕人共立太子平○索隱曰按上文太子平謀攻子之而年表云君噲及太子相子之皆死紀年又云子之殺公子平今此文云立太子平是爲燕昭王則年表紀年爲謬也

而趙系家云武靈王聞燕亂召公子職於韓立以爲燕王使樂池送之當是遙立職而送之事竟不就燕昭王於破燕之後即位卑身厚幣以招賢者謂郭

隗曰齊因孤之國亂而襲破燕孤極知燕小力少不足以報然誠得賢士以共國以雪先王之耻孤之願也先生視可者得身事之郭隗曰王必欲致士先從隗始况賢於隗者豈遠千里哉于是昭王爲隗改築



宮而師事之樂毅自魏往鄒衍自齊往劇辛自趙往士爭趣燕燕王弔死問孤與百姓同其苦二十八年燕國殷富士卒樂軼輕戰於是遂以樂毅為上將軍與秦楚三晉合謀以伐齊齊兵敗潛王出亡於外燕兵獨追北入至臨淄盡取齊寶燒其宮室宗廟齊城之不下者獨唯聊莒即墨索隱曰按餘篇及戰國策並無聊字其餘皆屬燕六歲昭王三十三年卒子惠王立惠王為太子時與樂毅有隙及即位疑毅使騎劫代將樂毅亡走趙齊田單以即墨擊敗燕軍騎劫死燕兵引歸齊悉復得其故城潛王歿于莒乃立其子為襄王惠王七

年卒

索隱曰按趙系家惠文王二十八年燕相成安君公孫操弒其王樂資以為即惠王也徐廣按

年表是年燕武成王元年武成即惠王子則惠王為成安君弒明矣此不言者燕遠諱不告或太史公之說也韓魏楚共伐燕燕武成王立武成王七年齊田

單伐我拔中陽十三年秦敗趙於長平四十餘萬十

四年武成王卒子孝王立孝王元年秦圍邯鄲者解

去三年卒子今王喜立

按喜失國無謚故稱今王

今王喜四年秦

昭王卒燕王命相栗腹約歡趙以五百金為趙王酒

還報燕王曰趙王壯者皆死長平其孤未壯可伐也

王召昌國君樂閒問之對曰趙四戰之國

正義曰趙東鄰燕西

接秦境南錯韓魏北連胡貊故言四戰

其民習兵不可伐王曰吾以五

而伐一索隱曰謂以五人而伐一人對曰不可燕王怒羣臣皆以

為可卒起二軍車二千乘栗腹將而攻鄒徐廣曰在常山今曰

高邑○索隱曰鄒火角反卿秦攻代唯獨大夫將渠謂燕王曰索隱

曰上卿秦及此將渠皆卿將官秦渠其名也國史失姓爾戰國策云慶秦慶是姓也卿其官與人

通關約交以五百金飲人之王使者報而反攻之不

祥兵無成功燕王不聽自將偏軍隨之將渠引燕王

纒止之曰王必無自往往無成功王楚之以足將渠

泣曰臣非以自為為王也燕軍至宋子徐廣曰趙使屬鉅鹿

廉頗將擊破栗腹於鄒破卿秦樂乘於代索隱曰戰國策曰廉

頗以二十萬遇栗腹於鄒樂乘以五萬遇卿秦於代燕人大敗與此不同樂開奔趙廉頗

逐之五百餘里圍其國燕人請和趙人不許必令將

渠處和燕相將渠以處和以將渠為相趙聽將渠解燕圍

六年秦滅東西周置三川郡七年秦拔趙榆次三十

七城秦置太原郡九年秦王政初即位十年趙使廉

頗將攻繁陽徐廣曰屬魏郡拔之趙孝成王卒悼襄王立使

樂乘代廉頗廉頗不聽攻樂乘樂乘走廉頗奔大梁

十二年趙使李牧攻燕拔武遂徐廣曰屬河間方城徐廣曰屬涿

劇辛故居趙與龐煖善已而亡走燕燕見趙數困于

秦而廉頗去令龐煖將也欲因趙弊攻之問劇辛辛

曰龐煖易與耳燕使劇辛將擊趙趙使龐煖擊之取

趙

燕軍二萬殺劇辛秦拔魏二十城置東郡十九年秦
 拔趙之鄴九城趙悼襄王卒二十三年太子丹質于
 秦亡歸燕二十五年秦虜滅韓王安置潁川郡二十
 七年秦虜趙王遷滅趙趙公子嘉自立為代王燕見
 秦且滅六國秦兵臨易水禍且至燕太子丹陰養壯
 士二十人使荆軻獻督亢地圖於秦索隱曰地理志屬廣陽督亢之
田在燕東甚良沃欲獻因襲刺秦王秦王覺殺軻使
秦故畫其圖而獻焉將軍王翦擊燕二十九年秦攻拔我薊燕王亡徙居
 遼東斬丹以獻秦三十年秦滅魏三十三年秦拔遼
 東虜燕王喜卒滅燕是歲秦將王賁亦虜代主嘉

太史公曰召公奭可謂仁矣甘棠且思之况其人乎
 燕北迫蠻貉內措齊晉索隱曰措交崎嶇疆國之間
雜也又作錯最為弱小幾滅者數矣然社稷血食者八九百歲於
 姬姓獨後亡豈非召公之烈耶

燕國乘因什國

因今章子將五部之兵

工上嘗有齊字

非近蠻貉

燕之郡九城趙悼襄王卒二十二年太子丹質王
 下歸燕一十五年秦成滅韓王安置初州郡二十
 五年秦攻趙王遷滅趙趙公子嘉自立為代王
 燕滅六國秦兵臨易水禍且至燕太子丹陰養
 刺客刺秦王於博浪沙地同於秦
 燕救齊對寸豈非昏公之區耶
 是為燕小幾滅齊幾矣然燕對血食昔人此百幾
 燕北出蠻貉內昔齊晉燕也天非龍融蠶國之間
 太史公曰昏公奭臣謂寸矣甘棠且思之矣其人乎

燕世家考

燕在禹貢冀州東北周官職方屬幽州地

召公奭

召公謚曰康奭字作奭從陌音陌

因備難數月

戰國策因作國

王因令章子將五都之兵

王上當有齊字

非迫蠻貉

貉當作貉

史記卷之三十五

管蔡世家第五

管叔鮮音仙蔡叔度者周文王子而武王弟也武王同

母兄弟十人母曰太妣正義曰列女傳云太妣者禹

渭之涘仁而明道文王親迎于渭太妣朝夕勤勞以

進婦道號曰文母文王理外文母治內太妣生十男

教誨自少及長未嘗見邪僻之事文王正妃也其長子曰伯邑考次

曰武王發次曰管叔鮮次曰周公旦次曰蔡叔度次

曰曹叔振鐸次曰成叔武次曰霍叔處次曰康叔封

次曰冉季載正義曰伯邑考最長所以加伯諸冉季

載最少同母兄弟十人徐廣曰文王之子為侯者十

母兄弟十人之爲本爲枝賢否成敗條分臚列可爲叙支派之法唯發旦賢左右輔

文王故文王舍伯邑考而以發爲太子及文王崩而

發立是爲武王伯邑考既已前卒矣武王已克殷紂

平天下封功臣昆弟於是封叔鮮於管杜預曰管在榮陽京縣東

封叔度於蔡世本曰蔡居上蔡二人相紂子武庚祿父治殷

遺民封叔旦於魯而相周爲周公封叔振鐸於曹封

叔武於成索隱曰按春秋隱五年衛師入邾杜預曰東平剛父縣有邾鄉又地理志云廩丘縣

南有成故城正義曰濮州雷澤縣東南漢郟陽縣古邾伯姬姓之國封叔處於霍索隱

曰地理志云河東魏縣霍太康叔封冉季載皆少未

在東北是霍叔之所封得封武王既崩成王少則公旦專王室管叔蔡叔疑

周公之爲不利於成王乃挾武庚以作亂周公旦承

成王命伐誅武庚殺管叔而放蔡叔遷之與車十乘

徒七十人從而分殷餘民爲二其一封微子啓於宋

以續殷祀其一封康叔爲衛君是爲衛康叔封季載

於冉索隱曰冉國也載名也季字也冉或作邾莊十

八年楚武王克權遷於那處杜預曰那處楚地南郡編縣有那口城那亦冉季康叔皆有馴行

索隱曰馴作邾聃與邾皆音奴其反於是周公舉康叔爲周司寇冉季爲周司空以佐

也善也成王治皆有令名於天下蔡叔度既遷而死其子曰

胡胡乃改行率德馴善周公聞之而舉胡以爲魯卿

士索隱曰尚書云蔡仲克庸祗德周公以爲卿魯國

士叔卒乃命諸王邦之蔡元無仕魯之文

治於是周公言於成王復封胡於蔡以奉蔡叔之祀是為蔡仲宋忠曰胡徙居新蔡餘五叔皆就國無為天子吏者

索隱曰五叔管叔蔡叔成叔曹叔霍叔

蔡仲卒子蔡伯荒立蔡伯荒卒

子宮侯立宮侯卒子厲侯立厲侯卒子武侯立武侯

之時周厲王失國奔彘共和行政諸侯多叛周武侯

卒子夷侯立夷侯十一年周宣王即位二十八年夷

侯卒子釐侯所事立釐侯三十九年周幽王為犬戎

所殺周室卑而東徙秦始得列為諸侯四十八年釐

侯卒子共侯興立共侯二年卒子戴侯立戴侯十年

卒子宣侯措父立宣侯二十八年魯隱公初立三十

五年宣侯卒子桓侯封人立桓侯三年魯弑其君隱

公二十年桓侯卒第哀侯獻舞立哀侯十一年初哀

侯娶陳息侯亦娶陳

杜預曰息國汝南新息縣

息夫人將歸過蔡

蔡侯不敬息侯怒請楚文王來伐我我求救於蔡蔡

必來楚因擊之可以有功楚文王從之虜蔡哀侯以

歸哀侯留九歲死於楚凡立二十年卒蔡人立其子

肸是為繆侯繆侯以其女弟為齊桓公夫人十八年

齊桓公與蔡女戲船中夫人蕩舟桓公止之不止公

怒歸蔡女而不絕也蔡侯怒嫁其弟齊桓公怒伐蔡

蔡潰遂虜繆侯南至楚邵陵已而諸侯為蔡謝齊齊

蔡公

疾歸蔡侯。二十九年，繆侯卒，子莊侯甲午立。莊侯三年，齊桓公卒。十四年，晉文公敗楚於城濮。二十年，楚太子商臣弒其父成王代立。二十五年，秦穆公卒。三十三年，楚莊王卽位。三十四年，莊侯卒，子文侯申立。文侯十四年，楚莊王伐陳，殺夏徵舒。十五年，楚圍鄭，鄭降楚。楚復驛之。二十年，文侯卒，子景侯同立。景侯元年，楚莊王卒。二十九年，景侯爲太子般娶婦於楚，而景侯通焉。太子弒景侯而自立，是爲靈侯。靈侯二年，楚公子圍弒其王郟敖而自立，爲靈王。九年，陳司徒招弒其君哀公。索隱曰：招或作茗，又作昭，並音時，遙反。楚使公子弃

疾滅陳而有之。十二年，楚靈王以靈侯弒其父，誘蔡靈侯于申，伏甲飲之，醉而殺之，刑其士卒七十人。令公子弃疾圍蔡。十一月，滅蔡，使弃疾爲蔡公。楚滅蔡三歲，楚公子弃疾弒其君靈王代立，爲平王。平王乃求蔡景侯少子廬立之，是爲平侯。宋忠曰：平侯徙下蔡。○世本曰：平侯者，靈侯般之孫，太子友之子。是年，楚亦復立陳。楚平王初立，欲親諸侯，故復立陳。蔡後，平侯九年卒。靈侯般之孫東國攻平侯子而自立，是爲悼侯。悼侯父曰：「隱太子友者，靈侯之太子，平侯立而殺隱太子，故平侯卒而隱太子之子東國攻平侯子而代立，是爲悼侯。」悼侯三年，

卒第昭侯申立昭侯十年朝楚昭王持美裘二獻其一於昭王而自衣其一楚相子常欲之不與子常讒蔡侯留之楚三年蔡侯知之乃獻其裘於子常子常受之乃言歸蔡侯蔡侯歸而之晉請與晉伐楚十三年春與衛靈公會邵陵蔡侯私於周襄弘以求長於衛服虔曰載書使蔡在衛上衛使史鮪言康叔之功德乃長衛夏杜預曰汝南平為晉滅沈杜預曰汝南平與縣有郟亭楚怒攻蔡蔡昭侯使其子為質於吳以其伐楚冬與吳王闔閭遂破楚入郢蔡怨子常子常恐奔鄭十四年吳去而楚昭王復國十六年楚令尹為其民泣以讓蔡蔡昭侯懼二十六年

孔子如蔡楚昭王伐蔡蔡恐告急於吳吳為蔡遠約遷以自近易以相救昭侯私許不與大夫計吳人來救蔡因遷蔡于州來索隱曰州來在淮南下蔡縣二十八年昭侯將朝于吳大夫恐其復遷乃令賊剽殺昭侯索隱曰利賊名已而誅賊利以解過而立昭侯子朔是為成侯徐廣曰或景成侯四年宋滅曹十年齊田常弒其君簡公十三年楚滅陳十九年成侯卒子聲侯產立聲侯十五年卒子元侯立元侯六年卒子侯齊立侯齊四年楚惠王滅蔡蔡侯齊亡蔡遂絕祀後陳滅三十三年索隱曰在春秋後二伯邑考其後不知所封武王發其後為周

史記
有本紀言管叔鮮作亂誅死無後周公旦其後為魯
有世家言蔡叔度其後為蔡有世家言曹叔振鐸其
後為曹有世家言成叔武其後世無所見霍叔處其
後晉獻公時滅霍康叔封其後為衛有世家言冉季
載其後世無所見

太史公曰管叔作亂無足載者然周武王崩成王少
天下既疑賴同母之弟成叔冉季之屬十人為輔拂
是以諸侯卒宗周故附之世家言

曹叔世家

索隱曰按上文叔振鐸其後為曹有系家
言今附管蔡之末者蓋以曹小而少事迹

也曹叔振鐸者周武王弟也武王已克殷紂封叔振

鐸於曹

宋忠曰濟
陽定陶縣

叔振鐸卒子太伯開立太伯卒子

仲君平立仲君平卒子宮伯侯立宮伯侯卒子孝伯

雲立孝伯雲卒子夷伯喜立夷伯二十三年周厲王

奔于彘三十年卒弟幽伯彊立幽伯九年弟蘇殺幽

伯代立是為戴伯戴伯元年周宣王已立三歲三十

年戴伯卒子惠伯兕立

孫檢曰曹惠伯或名雉或名
弟或復名弟兕也○索隱曰

按年表作
惠公伯雉

惠伯二十五年周幽王為犬戎所殺因東

徙益卑諸侯畔之秦始皇列為諸侯三十六年惠伯卒

子石甫立其弟武殺之代立是為繆公繆公三年卒

子桓公終生立

孫檢曰一作
終涅涅音生

桓公三十五年魯隱公

立四十五年魯弒其君隱公四十六年宋華父督弒其君殤公及孔父五十五年桓公卒子莊公夕姑立索隱曰夕音亦即射姑也莊公二十三年齊桓公始霸三十一年

莊公卒子釐公夷立釐公九年卒子昭公班立昭公六年齊桓公敗蔡遂至楚召陵九年昭公卒子共公襄立共公十六年初晉公子重耳其亡過曹曹君無禮欲觀其駢脅韋昭曰駢者并幹也釐負羈誅不聽正義曰曹大夫私

善於重耳二十一年晉文公重耳伐曹虜共公以歸令軍毋入釐負羈之宗族聞或說晉文公曰晉齊桓公會諸侯復異姓今君以曹君滅同姓何以令於諸

侯晉乃復歸共公二十五年晉文公卒三十五年共公卒子文公壽立文公二十三年卒子宣公彊立索隱曰左傳宣公名廬宣公十七年卒弟成公負芻立成公三年

晉厲公伐曹虜成公以歸已復釋之索隱曰按左傳成十五年晉厲公執負芻歸于京師討其殺太子自立也將立子臧子臧逃宋曹人請于晉乃歸負芻○按負芻宣公子

史作第誤五年晉欒書中行偃使程滑弒其君厲公二十三年成公卒子武公勝立武公二十六年楚公子弃疾弒其君靈王代立二十七年武公卒子平公頃立

平公四年卒子悼公午立是歲宋衛陳鄭皆火悼公八年宋景公立九年悼公朝於宋宋囚之曹立其弟

野是為聲公。悼公死於宋，歸葬。聲公五年，平公弟通

弑聲公，代立，是為隱公。索隱曰：譙周云：春秋無其事，今檢系本及春秋悼伯卒弟

露立謚靖公實隱公四年，聲公弟露弑隱公，代立。是

為靖公。靖公四年卒。子伯陽立。伯陽三年，國人有夢

眾君子立于社宮。鄭眾曰：社宮，中有室屋者。謀欲亡曹。曹叔振鐸

止之，請待公孫彊許之。且求之曹，無此人。夢者戒其

子曰：我亡，爾聞公孫彊為政，必去曹。無離曹禍。索隱曰：離

即離及伯陽即位，好田弋之事。六年，曹野人公孫彊

亦好田弋，獲白鴈而獻之。且言田弋之說，因訪政事。

伯陽大說之，有寵，使為司城以聽政。夢者之子乃亡。

去。公孫彊言霸說於曹伯。十四年，曹伯從之，乃背晉

于宋。索隱曰：于，謂犯也。宋景公伐之，晉人不救。十五年，宋滅

曹。執曹伯陽及公孫彊以歸而殺之。曹遂絕其祀。

太史公曰：余尋曹共公之不用僇，負羈，乃乘軒者三

百人，知唯德之不建，乃振鐸之夢，豈不欲引曹之祀

者哉！如公孫彊不修厥政，叔鐸之祀忽諸。

非此二夢
又幾無色
矣

左傳杜預注釐公名赤

成公三年晉厲公伐曹

左傳在二年

子平公頃立

年表頃作須

是為聲公

年表襄公

無離曹禍

訛遭也湖本作罷

乃振鐸之夢

洞本乃作及

史記卷之三十六

陳杞世家第六

陳胡公滿者虞帝舜之後也。晉舜為庶人時堯妻之

二女居于媯汭。其後因為氏姓。姓媯氏。舜已崩。傳禹

天下。而舜子商均為封國。索隱曰：按商均所封虞夏

后之時。或失或續。索隱曰：按夏代猶至于周武王克

殷紂。乃復求舜後。索隱曰：按左傳虞遇父為周陶正

正官名是得媯滿。封之於陳。索隱曰：左傳曰：武王以

生滿者也以奉帝舜祀。是為胡公。胡公卒。子申公犀

侯立。申公卒。弟相公臯羊立。相公卒。立申公子突。是

為孝公。孝公卒，子慎公圉戎立。慎公當周厲王時。慎公卒，子幽公寧立。幽公十二年，周厲王奔于彘。二十三年，幽公卒，子釐公孝立。釐公六年，周宣王即位。三十六年，釐公卒，子武公靈立。武公十五年卒，子夷公說立。是歲，周幽王即位。夷公三年卒，弟平公燮立。平公七年，周幽王為犬戎所殺。周東徙，秦始列為諸侯。二十三年，平公卒，子文公圉立。文公元年，取蔡女，生子佗。徒何反十年，文公卒，長子桓公鮑立。桓公二十三年，魯隱公初立。二十六年，衛殺其君州吁。二十三年，魯弑其君隱公。三十八年正月甲戌，己丑，陳桓公鮑

卒。桓公弟佗，其母蔡女，故蔡人為佗殺五父及桓公

太子免而立佗。

索隱曰：按左傳，桓公五年，文公子佗殺桓公太子免而代立。經六年，蔡人

殺陳佗立桓公子躍為厲公。佗立未踰年，故無謚。又莊二十二年傳云：陳厲公蔡出也，故蔡人殺五父而立之。則佗與五父俱為蔡人所殺，其事不異。是一人明矣。史記既以佗為厲公，遂以躍為利公。尋厲利聲相近，遂誤以佗為厲公，五父為別人。是為厲公。桓公而班固又以厲公為桓公弟，又誤也。

病而亂作，國人分散，故再赴。厲公二年生子敬仲完。

周太史過陳，陳厲公使以周易筮之。卦得觀之否。

賈逵

曰：坤下巽上，觀坤下乾上。是為觀國之光，利用賓於否。觀爻在六四，變而之否。王杜預曰：此觀卦六四爻辭也。此其代陳有國乎？不在此，其在異

國。正義曰：六四變內卦為本國，外卦為異國。非此其身在其子孫。正義曰：內卦為

身外卦為子孫變在正義曰六四若變此爻是辛在異國必姜姓

外故知在子孫也未觀上體巽未為羊巽為女姜姓太嶽之後物莫

能兩大陳衰此其昌乎厲公取蔡女蔡女與蔡人亂

厲公數如蔡注七年厲公所殺桓公太子免之三第

長曰躍中日林少曰杵曰共令蔡人誘厲公以好女

與蔡人共殺厲公公羊傳曰淫于而立躍是為利公

利公者桓公子也利公立五月卒立中第林是為莊

公莊公七年卒少第杵自立春秋云是為宣公宣公

三年楚武王卒楚始疆十七年周惠王取陳女為后

二十一年宣公後有嬖姬生子款欲立之乃殺其太

子禦寇禦寇素愛厲公子完完懼禍及已乃奔齊齊

桓公欲使陳完為卿完曰羈旅之臣幸得免負擔君

之惠也不敢當高位桓公使為工正正義曰周禮云

冬官為考工主齊懿仲欲妻陳敬仲卜之占曰是謂鳳皇于飛和

鳴鏘鏘有媯之後將育于姜五世其昌并于正卿服

曰言完後五世與卿並列八世之後莫之與京三十七年齊桓公

伐蔡蔡敗南侵楚至召陵還過陳陳大夫轅濤塗惡

其過陳詐齊令出東道東道惡桓公怒執陳轅濤塗

是歲晉獻公殺其太子申生四十五年宣公卒子款

立是為穆公穆公五年齊桓公卒十六年晉文公敗

六可謂知

復仇奇快

楚師于城濮。是歲穆公卒。子共公朔立。共公六年。楚太子商臣弒其父成王。代立。是為穆王。十一年。秦穆公卒。十八年。共公卒。子靈公平。國立。靈公元年。楚莊王即位。六年。楚伐陳。十年。陳及楚平。十四年。靈公與其大夫孔寧儀行父皆通於夏姬。正義曰。列女傳云。夏姬三為王后。七為夫人。公侯爭之。莫不迷惑。失意。衷其衣以戲於朝。左傳曰。衷其衽。或衣其衣。或中其襦。泄冶諫曰。君臣淫亂。民何效焉。靈公以告二子。二子請殺泄冶。公弗禁。遂殺泄冶。十五年。靈公與二子飲於夏氏。公戲。二子曰。微舒似汝。二子曰。亦似公。杜預曰。以夏姬淫放。故微舒怒。靈公罷酒出。微謂其子多似。以為戲。

以時一言
為孔子取

舒伏弩廐門。射殺靈公。孔寧儀行父皆奔楚。靈公太子午奔晉。徵舒自立為陳侯。徵舒故陳大夫也。夏姬御叔之妻。舒之母也。成公元年冬。楚莊王為夏徵舒殺靈公。率諸侯伐陳。謂陳曰。無驚。吾誅徵舒而已。已誅徵舒。因縣陳而有之。羣臣畢賀。申叔時使於齊來還。獨不賀。莊王問其故。對曰。鄙語有之。牽牛徑人田。田主奪之牛。徑則有罪矣。奪之牛。不亦甚乎。今王以徵舒為賊。弒君。故徵兵諸侯。以義伐之。已而取之。以利其地。則後何以令於天下。是以不賀。莊王曰。善。乃迎陳靈公太子午於晉而立之。復君陳如故。是為成

公孔子讀史記至楚復陳曰賢哉楚莊王輕千乘之國而重一言索隱曰謂申叔時之語二十八年楚莊王卒二十

九年陳倍楚盟三十年楚共王伐陳是歲成公卒子哀公弱立楚以陳喪罷兵去哀公三年楚圍陳復釋

之二十八年楚公子圍弑其君郊敖自立為靈王三十四年初哀公娶鄭長姬生悼太子師少姬生偃索隱

曰昭八年經云陳侯之弟招殺陳世子偃師左傳曰陳哀公元妃鄭姬生悼太子偃師今此云兩姬又公偃師為二人恐非二嬖妾長妾生留少妾生勝留有寵哀公

哀公屬之其弟司徒招哀公病三月招殺悼太子立留為太子哀公怒欲誅招招發兵圍守哀公哀公自

經殺

徐廣曰三十五年

招卒立留為陳君四月陳使使赴楚

楚靈王聞陳亂乃殺陳使者

索隱曰即司徒招又一名茗

使公子

弃疾發兵伐陳陳君留奔鄭九月楚圍陳十一月滅

陳使弃疾為陳公招之殺悼太子也太子之子名吳

出奔晉晉平公問太史趙曰陳遂亡乎對曰陳顓頊

之族

服虔曰陳祖虞舜舜出顓頊故為顓頊之族

陳氏得政於齊乃卒亡

賈逵曰物

莫能兩盛

自幕至于瞽瞍無違命

鄭眾曰幕舜之先也○索隱曰賈逵

以幕為虞思非也

舜重之以明德至於遂

杜預曰殷興存舜之後而封遂言舜

德乃至於遂也宋忠云虞思之後

箕伯直柄中衰殷湯封遂於陳

世世守之及胡公

周賜之姓

杜預曰胡公滿遂之後也

使祀虞帝且盛德之後必百

世祀虞之世未也其在齊乎楚靈王滅陳五歲楚公子弃疾弒靈王代立是為平王平王初立欲得和諸侯乃求故陳悼太子師之子吳立為陳侯是為惠公惠公立探續哀公卒時年而為元空藉五歲矣索隱曰惠

公探取哀公死楚滅陳之後為元年故今空經年藉五歲矣七年陳火十五年吳

王僚使公子光伐陳取胡沈而去索隱曰系本云胡

在汝南平輿胡亦在汝南二十八年吳王闔閭與子胥敗楚入郢

是年惠公卒子懷公柳立懷公元年吳破楚在郢召

陳侯陳侯欲往大夫曰吳新得意楚王雖亡與陳有

故不可倍懷公乃以疾謝吳四年吳復召懷公懷公

恐如吳吳怒其前不往留之因卒吳陳乃立懷公之

子越是為湣公索隱曰按左傳湣公名周湣公六年孔子適陳吳

王夫差伐陳取三邑而去十三年吳復來伐陳陳告

急楚楚昭王來救軍於城父吳師去是年楚昭王卒

於城父時孔子在陳按孔子世家凡再適陳非居陳八年也十五年宋

滅曹十六年吳王夫差伐齊敗之艾陵使人召陳侯

陳侯恐如吳楚伐陳二十一年齊田常弒其君簡公

二十三年楚之白公勝殺令尹子西子綦襲惠王葉

公攻敗白公白公自殺二十四年楚惠王復國以兵

北伐殺陳湣公遂滅陳而有之是歲孔子卒

杞東樓公者夏后禹之後苗裔也。索隱曰杞國名東樓公謚號不名者

並史先失耳宋忠曰杞今陳留雍丘縣蓋周封杞居雍丘至春秋時杞已遷東國故左氏隱四年傳云莒

人伐杞取牟婁牟婁者東邑也僖十四年傳云杞遷緣陵地理志北海有營陵淳于公之縣又周國名杞

後改國號曰州而稱淳于公故春秋桓五年經云州公如曹然杞後代又稱子者以徵小又僻居東夷故

襄二十九年經稱杞子來盟殷時或封或絕周武王克殷紂求禹

之後得東樓公封之於杞以奉夏后氏祀東樓公生

西樓公西樓公生題公題公生謀娶公。徐廣曰謀一作謨索隱曰

娶子謀娶公當周厲王時謀娶公生武公武公立四

十七年卒子靖公立靖公二十三年卒子共公立共

公八年卒子德公立。索隱曰系本譙周並作惠公又云惠公生成公及桓公是此系

家脫成公一代下云第桓公姑容立非也且成公又見春秋經傳左氏莊二十五年云杞成公娶魯女至

僖二十二年卒始赴而書左傳云成公也是杞有成公當如譙周所說德公十八年卒

第桓公姑容立。徐廣曰世本曰惠公立桓公十七年

卒子孝公句立孝公十七年卒第文公益姑立文公

十四年卒第平公鬱立。索隱曰一作郁釐譙周云名鬱來蓋鬱郁釐來聲相近也

平公十八年卒子悼公成立悼公十二年卒子隱公

乞立七月隱公第遂弒隱公自立是為釐公釐公十

九年卒子湣公維立湣公十五年楚惠王滅陳十六

年湣公第闕路弒湣公代立是為哀公。譙周云哀公

立十年卒湣公子款立。徐廣曰款一作遯是為出公出公十

年

二年卒。子簡公春立。立一年。楚惠王之四十四年滅
 杞。杞後陳亡。三十四年杞小微。其事不足稱述。舜之
 後。周武王封之陳。至楚惠王滅之。有世家言。禹之後
 周武王封之杞。楚惠王滅之。有世家言。契之後為殷。
 殷有本紀言。殷破。周封其後於宋。齊湣王滅之。有世
 家言。后稷之後為周。秦昭王滅之。有本紀言。皐陶之
 後。或封英。六。索隱曰。本或作蓼。六皆通。春秋文五年
 傳云。楚人滅六。城文仲聞六與蓼滅。曰。皐陶庭堅不祀。忽諸又信。十七年齊人徐人伐英。氏
 杜預曰。英六皆皐陶後國名。是有英蓼。或者英改號
 蓼。楚穆王滅之。無譜。伯夷之後。至周武王復封於齊。
 曰。太公望。陳氏滅之。有世家言。伯翳之後。至周平王。

時封為秦。項羽滅之。有本紀言。

索隱曰。秦祖伯翳。伯翳者以翳益為一人。今

叙伯翳而又別言垂益。則是二人也。然據秦本紀。叙翳之功。云佐舜。馴調鳥獸。與舜典命益作虞。若予上
 下草木鳥獸。文同。則為一人必矣。垂益夔龍。其後不知所封。不見也。

右十一人者。皆唐虞之際。名有功德。臣也。其五人之

後。皆至帝王。

索隱曰。舜禹身為帝王。其稷契及翳。則後代皆為帝王也。○按舜後田齊稱王。

禹後越勾踐亦稱王。

餘乃為顯諸侯。

按太史公重唐虞之際。有

或王或為顯諸侯。見

足齒列弗論也。索隱曰。滕不知本封。蓋軒轅氏之子。有滕姓。是其祖也。後周封文王子。錯

叔繡於滕。故宋忠云。今沛國公丘是滕國也。薛奚仲

之後。任姓。蓋夏殷所封。故春秋有滕侯。薛侯。邾曹姓

之國。陸終氏之子。會人之

後。和國。今魯國鄒縣是也。周武王時。侯伯尚千餘人。

及幽厲之後諸侯力攻相并江黃胡沈之屬不可勝
數。索隱曰系本江黃二國並嬴姓故弗采著于傳上

太史公曰舜之德可謂至矣禪位於夏而後世血食
者歷三代及楚滅陳而田常得政於齊卒為建國百
世不絕苗裔茲茲有土者不乏焉至禹於周則杞微
甚矣是數也楚惠王滅杞其後越王勾踐興

史記卷之三十一 終

陳杞世家考

陳都宛丘在禹貢豫州之東西望外方東不及孟
諸杞都雍丘其封域屬禹貢豫州

幽公十二年周厲王奔於彘

史表在十三年

釐六年周宣王即位

史表在五年

故蔡人為佗殺五父及桓公太子免而佗是為厲公
○七年厲公所殺桓公太子免之三弟與蔡人共殺
厲公而立躍是為利公

春秋經傳佗與五父為一人厲公躍無利公幸得免負擔

今本擔作擔誤

桓公使為王正

監本正作王誤

成公二十八年楚莊王卒

左傳在八年

吳王夫差伐陳

吳上當有八年二字

德公十八年卒子成公立○成公十八年卒

史記脫成公一代

垂益夔龍其後不知所封

益即伯翳按竹書紀年費侯伯益出就國是伯益之封在費但其地無可攷耳

史記卷之三十七

衛康叔世家第七

衛康叔名封周武王同母少弟也

索隱曰康畿內國名宋忠曰康叔從

康徙封衛衛即殷墟定昌之地畿內之康不知所在

其次尚有冉季冉季最少

武王已克殷紂復以殷餘民封紂子武庚祿父比諸

侯以奉其先祀勿絕為武康未集

索隱曰集和也

恐其有賊

心武王乃令其弟管叔蔡叔傅相武庚祿父以和其

民武王既崩成王少周公旦代成王治當國管叔蔡

叔疑周公乃與武庚祿父作亂欲攻成周

索隱曰成周洛陽其

時周公相成王營洛邑猶居西周鎬京管蔡欲

周公

史記卷三十七

衛康叔世家

立言即立
功立德惟
三代有之

旦以成王命與師伐殷殺武庚祿父管叔放蔡叔以
武庚殷餘民封康叔為衛君居河淇間故商墟周公
旦懼康叔齒少乃申告康叔曰必求殷之賢人君子
長者問其先殷所以興所以亡而務愛民告以紂所
以亡者以淫於酒酒之失婦人是用故紂之亂自此
始為梓材示君子可法則故謂之康誥酒誥梓材以
命之康叔之國既以此命能和集其民民大說成王
長用事舉康叔為周司寇賜衛寶祭器以章有德左傳
曰分康叔以大路大路大旂少帛緝蒺旃旃大呂賈逵曰
大路金路也少帛雜帛也緝蒺大赤也通帛為旃析
羽為旌大呂鍾名鄭
衆曰緝蒺旃名也康叔卒子康伯代立索隱曰系
本康伯名

髡宋忠曰即王孫牟也事周康王為大夫牟康伯卒

子考伯立考伯卒子嗣伯立嗣伯卒子康伯立史記
音義

曰音捷○索隱康伯卒子靖伯立靖伯卒子貞伯立

曰系本作摯伯貞伯卒子頃侯立頃侯厚賂周夷王夷王

命衛為侯索隱曰康誥稱命爾侯于東土則康叔初
封已為侯也子康伯稱伯者謂方伯之伯

非至子即降爵為伯也至頃侯
德衰不監諸侯乃從本爵稱侯頃侯立十二年卒子

釐侯立釐侯十三年周厲王出奔于彘共和行政焉

二十八年周宣王立四十二年釐侯卒太子共伯餘

立為君共伯弟和有寵於釐侯多予之賂和以其賂

賂士以襲攻共伯於墓上共伯入釐侯羨自殺索隱
曰羨

聖如武公
豈有殺兄
而立斷必
有誤

史記

又音延延墓道 衛人因葬之釐侯 諡曰共伯 而立和

為衛侯 是為武公 索隱曰和殺恭伯代立此說蓋非也按季札美康叔武公之德又國

語稱武公年九十五矣猶箴誠於國恭恪于朝作抑

自傲至於沒身謂之獻聖又詩著衛世子恭伯早卒

不云被殺若武公殺兄而代立豈可以為訓而武公

形之于國史乎蓋太史公採雜說而為此記耳

即位修康叔之政百姓和集四十二年大戎殺周幽

王武公將兵往佐周平戎甚有功周平王命武公為

公五十五年卒子莊公揚立莊公五年取齊女為夫

人好而無子又取陳女為夫人生子蚤死陳女女弟

亦幸於莊公而生子完 索隱曰女弟戴嬀也 完母死

莊公令夫人齊女子之立為太子 索隱曰子之謂養之為子 莊公

有寵妾生子州吁十八年州吁長好兵莊公使將石

碯諫莊公 賈逵曰石碯衛上卿 曰庶子好兵使將亂自此起不

聽二十三年莊公卒太子完立是為桓公桓公二年

弟州吁驕奢桓公紂之州吁出犇十三年鄭伯弟段

攻其兄不勝亡而州吁求與之友十六年州吁收聚

衛亡人以襲殺桓公州吁自立為衛君為鄭伯弟段

欲伐鄭請宋陳蔡與俱三國皆許州吁州吁新立好

兵弒桓公衛人皆不愛石碯乃因桓公母家於陳詳

為善州吁至鄭郊石碯與陳侯共謀使右宰醜進食

因殺州吁于濮 服虔曰右宰醜衛大夫○索隱曰濮在曹衛之間 而迎桓公

第晉於邢而立之。賈逵曰邢是為宣公。宣公七年魯

弒其君隱公。九年宋督弒其君殤公。及孔父。十年齊

曲沃莊伯弒其君哀侯。十八年初宣公愛夫人夷姜。

夷姜生子伋以為太子。而令右公子傅之。右公子為

太子取齊女。未入室。而宣公見所欲為太子婦者。好

說而自取之。更為太子取他女。宣公得齊女生子壽

子朔。令左公子傅之。杜預曰左右勝太子伋母死。宣

公正夫人與朔共讒惡太子伋。宣公自以其奪太子

妻也。心惡太子。欲廢之。及聞其惡。大怒。乃使太子伋

於齊。而令盜遮界上殺之。與太子白旄。而告界盜。見

持白旄者殺之。且行子朔之兄壽。太子異母弟也。知

朔之惡太子。而君欲殺之。乃謂太子曰。界盜見太子

白旄。即殺太子。太子可毋行。太子曰。逆父命求生。不

可。遂行。壽見太子不止。乃盜其白旄。而先馳至界。界

盜見其驗。即殺之。壽已死。而太子伋又至。謂盜曰。所

當殺乃我也。盜併殺太子伋。以報宣公。按父命固不可逆。不有口

從治命不從亂命乎。壽以身代兄其情足憐。而伋之死亦徒矣。宣公乃以子朔為太

子。十九年宣公卒。太子朔立。是為惠公。左右公子不

平朔之立也。惠公四年左右公子怨惠公之讒殺前

太子伋而代立。乃作亂攻惠公。立太子伋之弟黔牟。

春秋時猶有此奇節。余漢而後此義泯矣。

為君惠公犇齊衛君黔牟立八年齊襄公率諸侯奉
 王命共伐衛納惠公誅左右公子衛君黔牟犇于周
 惠公復立惠公立三年出亡亡八年復入與前通年
 凡十三年矣二十五年惠公怨周之容舍黔牟與燕
 伐周周惠王犇溫衛燕立惠王弟頹為王二十九年
 鄭復納惠王三十一年惠公卒子懿公赤立懿公即
 位好鶴淫樂奢侈九年崔伐衛衛懿公欲發兵兵或
 昨大臣言曰君好鶴鶴可令擊崔正義曰左傳云衛
 者狄伐衛公欲戰國人受甲者皆懿公好鶴有乘軒
 曰使鶴鶴實有祿位余焉能戰崔於是遂入殺懿
 公懿公之立也百姓大臣皆不服自懿公父惠公崩

積桓之德
 勸非晉文
 可也

之、讒、殺、太、子、伋、代、立、至、於、懿、公、常、欲、收、之、卒、滅、惠、公、
 之、後、而、更、立、黔、牟、之、弟、昭、伯、頑、之、子、申、為、君、是、為、戴、
 公、戴、公、申、元、年、卒、齊、桓、公、以、衛、數、亂、乃、率、諸、侯、伐、崔、
 為、衛、築、楚、丘、正義曰括地志云立戴公弟燬為衛君
賈誼書曰衛侯朝於周周行人問其名答曰衛侯辟
 疆周行人還之曰啓疆辟疆天子之號諸侯弗得用
 衛侯更其名曰燬然後受之是為文公文公以亂故犇齊齊人入
 之、初、崔、殺、懿、公、也、衛、人、憐、之、思、復、立、宣、公、前、死、太、子、
 伋、之、後、伋、子、又、死、而、代、伋、死、者、子、壽、又、無、子、太、子、伋、
 同、母、第、二、人、其、一、曰、黔、牟、黔、牟、嘗、代、惠、公、為、君、八、年、
 復、去、其、二、曰、昭、伯、昭、伯、黔、牟、皆、已、前、死、故、立、昭、伯、子、

申為戴公。戴公卒，復立其弟燬為文公。文公初立，輕賦平罪，身自勞與百姓同苦，以收衛民。十六年，晉公子重耳過，無禮。十七年，齊桓公卒。二十五年，文公卒。子成公鄭立。成公三年，晉欲假道於衛救宋，成公不許。晉更從南河度。服虔曰：南河，濟南之東南流河也。杜預曰：從汲郡南度，出衛南。救宋，徵師於衛。衛大夫欲許，成公不肯。大夫元咺，況遠反。改成公。成公出奔，晉文公重耳伐衛，分其地予宋。討前過，無禮及不救宋患也。衛成公遂出奔陳。索隱曰：左傳衛侯聞楚師敗懼出奔楚，遂適陳也。二歲，如周求入，與晉文公會。晉使人鳩衛成公。成公私於周主鳩，令薄，得不死。索隱曰：私謂蔡

之也。已而周為請晉文公，卒入之衛，而誅元咺。衛君暇

出奔。索隱曰：是元咺所立者，成公入而殺之。此言奔非也。七年，晉文公卒。十二

年，成公朝晉襄公。十四年，秦穆公卒。二十六年，齊邴

歆弒其君懿公。索隱曰：邴歆與左氏同，而齊系家作邴戎者，蓋邴歆掌御戎車，故號邴戎。

三十五年，成公卒。世本曰：成公徙濮陽。子穆公邀音速立。穆公二

年，楚莊王伐陳，殺夏徵舒。三年，楚莊王圍鄭，鄭降，復

釋之。十一年，孫良夫救魯，伐齊，復得侵地。穆公卒。子

定公臧立。定公十二年，卒。子獻公衎立。獻公十三年，

公令師曹敎宮妾鼓琴，妾不善，曹笞之。妾以幸惡曹

於公。公亦笞曹三百。十八年，獻公戒孫文子甯惠子

滿亂之非
感其自取

史記

食皆往。服虔曰孫文子
林父甯惠子殯日盱不召而去射鴻於圃。二

子從之。公不釋射服與之言。左傳曰不
釋皮冠二子怒如宿。

服虔曰孫文子邑也
○素隱曰左傳作戚孫文子子數侍公飲。左傳曰文
子子即孫

也使師曹歌巧言之卒章。杜預曰巧言詩小雅也其
章曰彼何人斯居河之

麋無拳無勇職為亂階公欲
以警文子居河上而為亂師曹又怒公之嘗答三

百乃歌之欲以怒孫文子報衛獻公。文子語蘧伯玉。

伯玉曰臣不知也。遂攻出獻公。獻公奔齊。齊置衛獻

公於聚邑。孫文子甯惠子共立定公。弟秋為衛君。是

為殤公。按左傳作
子叔剽殤公秋立封孫文子林父於宿。十

二年甯喜與孫林父爭寵相惡。殤公使甯喜攻孫林

父。林父奔晉。復求入故衛獻公。獻公在齊。齊景公聞

之與衛獻公如晉求入。晉為伐衛誘與盟。衛殤公會

晉平公。平公執殤公與甯喜而復入衛。獻公亡

在外十二年而入。獻公後元年誅甯喜。三年吳延陵

季子使過衛。見蘧伯玉。史鮒曰衛多君子。其國無故。

過宿。孫林父為擊磬。曰不樂音大悲。使衛亂。乃此矣。

按此與吳
世家異是年獻公卒。子襄公惡立。襄公六年楚靈

王會諸侯。襄公稱病不往。九年襄公卒。初襄公有賤

妾幸之有身。夢有人謂曰我康叔也。令若子必有衛

名。而子日元。妾怪之。問孔成子。服虔曰衛
卿孔烝鉏成子曰康

叔者衛祖也。及生子男也。以告襄公。襄公曰：天所置也。名之曰元。襄公夫人無子。於是乃立元為嗣。是為靈公。靈公五年，朝晉昭公。六年，楚公子弃疾弒靈王。自立為平王。十一年，火。三十八年，孔子來。祿之如魯。後有隙，孔子去。後復來。三十九年，太子蒯聵與靈公夫人南子有惡。賈逵曰：南子，宋女。欲殺南子。蒯聵與其徒戲陽，邀謀朝使殺夫人。戲陽後悔不果。蒯聵數目之。夫人覺之，懼呼曰：太子欲殺我。靈公怒太子蒯聵，奔宋。已而之晉。趙氏四十二年春，靈公游于郊，令子郚僕。郚，靈公少子也。字子南。靈公怨太子出奔，謂郚曰：我

將立若為後。郚對曰：郚不足以辱社稷。君更圖之。夏，靈公卒。夫人命子郚為太子。曰：此靈公命也。郚曰：亡人太子蒯聵之子輒在也。不敢當。於是衛乃以輒為君。是為出公。六月乙酉，趙簡子欲入蒯聵，乃令陽馬詐命衛十餘人，衰經歸。服虔曰：衰經為若。從衛來迎太子也。簡子送蒯聵。衛人聞之，發兵擊蒯聵。蒯聵不得入，入宿而保。衛人亦罷兵。出公輒四年，齊田乞弒其君孺子。八年，齊鮑子弒其君悼公。孔子自陳入衛。九年，孔文子問兵于仲尼。仲尼不對。其後魯迎仲尼。仲尼反魯。十二年，初，孔圉文子取太子蒯聵之姊生慳。孔氏之豎渾良

夫美好，孔文子卒，良夫通於悝母。太子在宿，悝母使良夫於太子。太子與良夫言曰：「苟能入我國報子，以乘軒，免子三死，毋所與與之盟。」許以悝母為妻。閏月，良夫與太子入舍孔氏之外園，昏。二人蒙衣而乘。

曰二人謂良夫太子為婦人之服以巾蒙其頭而共乘也。宦者羅御如孔氏，孔氏

之老樂甯問之。服虔曰家臣稱老。稱姻妾以告，遂入適伯姬

氏。服虔曰入孔氏家適伯姬所居。既食，悝毋杖戈而先，太子與五人

介與猥從之。賈逵曰介被甲也。與猥豚欲以盟也。伯姬劫悝於廁，彊盟

之，遂劫以登臺。服虔曰於衛臺。上召衛羣臣。樂甯將飲酒，炙未熟，

聞亂，使告仲由。服虔曰季路為孔氏邑宰，故告之。召護駕乘車。服虔曰召

護衛大夫駕乘車不駕兵車也。言無距父之意。行爵食炙，奉出公輒，犇魯。仲

由將入，遇子羔將出。賈逵曰子羔高柴孔子弟子也。曰：「門已閉矣。」子

路曰：「吾姑至矣。」子羔曰：「不及，莫踐其難。」鄭衆曰是時輒已出不反。

事子路曰：「食焉，不辟其難。」子羔遂出。子路入，及門，公

孫敢闔門曰：「毋人為也。」服虔曰公孫敢衛大夫。子路曰：「是公孫

也，求利而逃其難，由不然，利其祿，必救其患。有使者

出，子路乃得入，曰：「太子焉用孔悝？雖殺之，必或繼之。」

王肅曰必有繼續其後攻太子。且曰：「太子無勇，若燔臺，必舍孔叔。太

子聞之，懼，下石乞孟厲敵子路。服虔曰二子蒯賁臣。以戈擊之，

割纓。子路曰：「君子死，冠不免。」結纓而死。正義曰纓冠綏也。孔

子聞衛亂曰嗟乎柴也其來乎由也其死矣孔悝竟立太子蒯聩是為莊公莊公蒯聩者出公父也居外怨大夫莫迎立元年即位欲盡誅大臣曰寡人居外久矣子亦嘗聞之乎羣臣欲作亂乃止二年魯孔丘卒三年莊公上城見戎州索隱曰左傳云戎伐并伯于楚丘是戎與衛相近也曰戎虜何為是戎州病之十月戎州告趙簡子簡子圍衛十一月莊公出奔索隱曰左傳莊公本由晉趙人出莊公立公子般師晉師退莊公復入般師出奔初公登城見戎州已氏之妻髮美髡之以為大人也又欲剪戎州兼逐石圃故右圖攻莊公莊公懼踰非牆折股入已氏已氏殺之今系家不言莊公復入及死已氏直云出奔亦其疎也衛人立公子斑師為衛君左傳曰斑師襄公孫

齊伐衛虜班師更立公子起為衛君服虔曰靈公子衛君起

元年衛石曼專逐其君起索隱曰左傳作石圃穀梁作曼姑專或音姑諸本多

無曼字起奔齊衛出公輒自齊復歸立初出公立十二年亡亡在外四年復入出公後元年賞從亡者立二

十一年卒索隱曰自即位至卒凡經二十五年而卒于越出公季父黔攻出

公子而自立是為悼公悼公五年卒索隱曰紀年云四年卒于越系

本名子敬公弗立世本云敬公費敬公十九年卒子昭公糾

立索隱曰系本云敬公生懷公舟非也是時三晉疆衛如小侯屬之昭

公六年公子疊弒之代立是為懷公懷公十一年公

子類弒懷公而代立是為慎公慎公父公子適索隱曰系

本適作虔度悼公也適父敬公也。慎公四十二年卒。子聲公訓

立。索隱曰訓亦作馴。系本作聖公馳。聲公十一年卒。子成侯遯立。索隱

曰系本作不逝按上穆公已名遯則系本是也。成侯十一年公孫鞅入秦。索隱

曰秦本紀孝公元年鞅入秦按年表成侯與秦孝公同年十一年字誤。十六年衛更貶

號曰侯。二十九年成侯卒。子平侯立。平侯八年卒。子

嗣君立。索隱曰樂資據紀年以嗣君即孝襄侯。嗣君五年更貶號曰君。

獨有濮陽。四十二年卒。子懷君立。懷君三十一年朝

魏。魏囚殺懷君。魏更立嗣君弟是為元君。元君為魏

壻。故魏立之。徐廣曰班氏云元君者懷君之弟。元君十四年秦拔魏

東地。秦初置東郡。更徙衛野王縣。而并濮陽為東郡。

二十五年元君卒。子君角立。年表云元君二十三年卒。君角九年

秦并天下。立為始皇帝。二十一年二世廢君角為庶

人。衛絕祀。

太史公曰。余讀世家言。至於宣公之太子。以婦見誅。

弟壽爭死。以相讓。此與晉太子申生。不敢明驪姬之

過。同。俱惡傷父之志。然卒死亡。何其悲也。或父子相

殺。兄弟相滅。亦獨何哉。

恭并天可立為成皇帝二十一年二月癸亥為朔
二十五年八月庚午庚辰立
二十一年二月癸亥為朔
二十五年八月庚午庚辰立

衛世家考

衛侯爵都朝歌其封域在禹貢冀州大行之東北

踰衡漳東及兗州桑土之野

初宣公愛夫人夷姜

夷姜宣公之庶母也宣公蒸夷姜而立之為夫人

耳

生子伋以為太子

太史公叙宣公納子婦以讒殺太子伋委曲詳悉

至叙惠公之奔懿公之死戴公文公之立屢屢提

掇讒殺太子伋事前後照應有情令人讀之悲痛

惠公立三年出亡亡八年復入與前通年凡十三矣

上三字當作四下三字當作二

二十九年鄭復納惠王


史表在二十七年

翟於是遂入殺懿公

湖本缺翟字翟當作狄

戴公元年築楚丘

左傳在文公二年



實政己未

